



TOP-UP & WIN YOUR DREAM CAR



Worth of **K25,000** every month

*Check Instore Posters for more details

24/7 Customer Care: Call 345 6789 or www.telikompng.com.pg



3G+

NOW IN TABUBIL & POPONDETTA

Enjoy the best 3G network coverage from Digicel now in Popondetta & Tabubil




SCAN HERE

Join Digicel Today!
www.digicelpng.com

Digicel

PNG's Bigger, Better Network.

Potape: Palamen mas tokaut, tok stret long ileksen 2012

Aja Alex Potabe i raitim

PALAMEN i mas rausim dispela mosen ol i bin pasim long surukim ileksen 2012 i go moa long 6-pela mun bikos dispela mosen em i stap laip yet na ileksen i no nap long kamap long Mei 18 sapos ol i no muvim narapela mosen gen long rausim.

Memba bilong Komo-Maragarima, Francis Potape, i askim Deputi Spika bilong Palamen, Francis Marus, olem kantri bai nonap go long ileksen long Mei 18 sapos palamen i no rausim dispela mosen, na moa beta palamen mas tok aut, na tok stret long dispela namba wan samting.

I go moa long pes 2



SEKIM OL KENDIDET NEM: Taim bilong ileksen i kam klostu, ilektorel Komisn Opis i wok long pulap long ol manmeri husat i go long sekim nem bilong ol kendidet husat bai resis long dispela 2012 ileksen. Jack Onawe bilong Daulo long Isten Hailans Provins i wok long sekim nem bilongol lain husat bai resis long ilektoret bilong em long Daulo, sanap long sait bilong em, Timothy, em tu i sekim sapos nem bilong em i stap long resis long Tambul Nebilyer long Westen Hailans Provins. *Poto Nicky Bernard.*

KLOSTU NAU!

Yu enrol tu?

14

De moa...



Enrol NAU!!



2012 VOTE LPV



GOLDEN MARK SOY SOS

I kam long tupela gupela teis!

Mushroom Dark Sos na Superior Dark Sos

Kaikai bai teis Swit tru!

PNG gavman bai go pas long Ams Tred Triti

Aja Alex Potabe i raitim

PNG gavman bai go pas long Yunaited Nesens (UN) Hetkwata long New York, Amerika long kamapim wanpela triti o loa long sekim gut baim na salim bilong gan.

Gan i save bagarapim laip bilong manmeri na kamapim birua long laip bilong man-

meri taim ol raskol, teroris, na man nogut i save yusim.

Long stopim dispela pasin, gavman bilong PNG em i nau painim sapot bilong ol arapela kantri long kamapim dispela triti ol bai kolim Ams Tred Triti (Arms Trade Triti).

Namba wan Sekreteri bilong PNG Embesi long UN, Dino Mas, i tok planti raskol pasin, pait, stil, na pasin bi-

long kilim manmeri i save kamap wantaim halivim bilong ol liklik gan.

“Olsem na gavman bilong PNG, i makim maus bilong ol liklik Pasifik Ailan kantri, na ting ting long tokim ol wol lida long kamapim wanpela loa long sekim gut na lukautim salim, baim na yusim bilong ol gan na bullet.

“Mipela i gat bikpela sapot i kam long 153 kantri na mi

gat bilip, bai mipela kampim dispela triti,” Mas i tok.

Em i tok PNG em i wanpela kantri namel long ol arapela kantri long Afrika na Keribien (Caribbean), we ol gan i save kamapim birua long laip bilong manmeri taim ol i save yusim long mekim pasin nogut.

“Ol Afrika i gat dispela hevi long gan. Ol kantri long Keribien tu i gat dispela kain

hevi. Mi gat bilip ol bai sapotim PNG gavman long tok tok long UN Hetkwata long sapotim na kampim dispela triti,” Mas i tok.

Ambasada Robert Aitsi bilong PNG long UN bai go pas long toktok wantaim ol mausman bilong wan-wan kantri na wok bung wantaim Ambasada Noel Sinclair bilong Keribien long askim moa kantri long sapotim.

Pati bilong Namah bai luksave long Papa God



MIPELA BAI LUKSAVE LONG PAPA GOD....OI PNG Pati memba wantaim lida Belden Namah i tok promis long luksave long God. Wantok Fail Poto

POLITIKEL Pati bilong Deputi Prais Minista, Belden Namah, i gat wanpela strongpela polisi bilong luksave long God.

PNG Pati i laik luksave long God na sapotim ol wok

bilong sios bikos PNG em i kristen kantri, na tu papa God i blesim yumi narapela kain stret.

Pasin politiks bilong yumi i no save bihainim laik na ting ting bilong God, na i luk

olsem dispela polisi em i wanpela namba wan polisi long kantri.

PNG Pati i laik kamapim wanpela nupela gavman dipatmen long sapotim ol sios na tu bai givim 10 pesen mani bilong nesenel baset i go long ol sios.

Pati Lida, Belden Namah, i tok em i bilip olsem PNG Pati bai kisim gavman bihain long dispela ileksen, na em bai kamapim nupela gavman dipatmen ol bai kolim Dipatmen bilong Rilijes Afes (Religious Affairs).

“PNG Pati bai kamapim dispela nupela dipatmen long lukautim ol sios, na tu long larim gavman i luksave na sapotim ol wok sios i save mekim long kirapim dispela kantri.

“PNG Pati bai givim olgeta 10 pesen mani bilong ne-

senel baset i go long sios bikos ol i save mekim bikpela hat wok long kirapim kantri bilong yumi. Sapos gavman baset em i K1 bilian, orait K100 milian em bilong sios long sapotim wok bilong ol,” Namah i tok.

Deputi Lida bilong PNG Pati, Sam Basil, i tok em i gat bilip long dispela pati long kisim gavman bihain long dispela ileksen na dispela diriman bilong ol long givim bek long papa God bai nonap abrus.

PNG Pati em i namba wan kolisen patna bilong dispela gavman na em i gat moa long 25-pela memba. Sampela ol biknem lida olsem Francis Potape, Francis Marus, John Boito, Philemon Embel, Jamie Maxton-Graham na Sir Mekere Morauta i stap long dispela pati.

Gavman mas sapotim Sentral Sepik Provins

Aja Alex Potabe i raitim

GAVMAN mas sapotim nupela Sentral Sepik Provins, Memba bilong Maprik i tok.

Memba bilong Maprik, Gabriel Kapris i tok, Is Sepik na Wes Sepik i tupela bikpela provins wantaim moa populesen o namba bilong manmeri.

Em i mekim dispela toktok long Palamen las wik taim em i askim Helt Minista, Jamie Maxton-Graham, long luksave gut long Maprik Haus Sik bikos dispela haus sik i save sevim laip bilong ol manmeri bilong Is na Wes Sepik wantaim.

“Ol manmeri bilong Yanggoru-Sausia, Wosera-Gawi, Ambnti-Dreikikier, Nuku, na Telefomin i save kam kisim sevis long Maprik. Ol i hat long go long Wewak o Vanimo bikos nogat gutpela rot long go kisim sevis long hap.

“Na em i longwe tru long ol long go long hap. Olsem na nau mipela i laik kisim nupela provins bilong mipela yet. Em i Sentral Sepik Provins,” Kapris i tok.

Em i tok ol dispela ilektoret i sanap wantaim long kamapim dispela nupela provins bikos bipo yet ol i no save kisim wanpela sevis, na nau ol i sanap wantaim long askim gavman long luksave long ol.

“Gavman mas luksave bikos dispela em i wanpela rot we yumi i ken yusim long kirapim kantri. Taim mipela i kisim provins, mipela i gat bilip olsem gavman sevis olsem gutpela rot, pawa, wara saplai, skul, haus sik na gutpela loa na oda bai kam stap long lukautim gut ol pipel na stretim sindaun bilong ol,” Kapris i tok.

Prais Minista, Peter O'Neill, i bin sapotim dispela toktok bilong Kapris na givim sapot bilong gavman taim Kapris i bin autim dispela ting ting sampela taim i go pinis.

Namah: Ilegal forena mas kisim was

OLGETA forena o manmeri bilong narapela kantri husat i no bihainim loa stret long kam insait long PNG i mas redi long go bek long kantri bilong ol.

Deputi Prais Minista, Belden Namah, i tok ol manmeri bilong narapela kantri

husat i no bihainim loa long kam insait long PNG, i wok long mekim planti pasin nogut we loa i tambuim.

“Sapos yu wanpela forena husat i bin brukim loa na kam insait long bek doa long PNG, bai mi mekim save long yu,” Namah i tok.

Em i tok planti moa long dispela kain manmeri i wok long kam insait long kantri na mekim ilegal bisnis, na wok wantaim ol login kampani.

“Sapos mi painimaut olsem yupela i nogat wok pemit o trupela paspot na i stap insait long PNG, dispela i no kantri

bilong yupela. Bai mi rausim yupela olgeta bikos yupela i wok long bagarapim ples bilong mi,” Namah i tok.

Em i tok ol dispela kain manmeri i wok long mekim sait dil wantaim ol wok manmeri bilong Imagresens na Kastoms long kam insait.

Palamen mas tokaut...

I kam long pes 1

“Ol pipel mas save wanem taim stret bai kantri go insait long ileksen bikos palamen i mekim tupela toktok. Wanpela long sapotim toktok bilong Ilektoral Komisn long statim ileksen long Mei 18 na narapela em i mosen palamen i bin muvim long surukim ileksen i go moa bihain long 6-pela mun,” Potape i tok.

Potape save olsem Palamen em i suprim o antap moa long mekim ol disisen bilong kantri, tasol em i tok ol pipel i paul yet bikos palamen i no tok stret long kamapim wanpela disisen long wanem taim stret ileksen bai kamap.

“Palamen em i suprim na disisen yumi mekim long

dispela floa em i stap strong yet. olsem na sapos yumi mekim rong disisen, orait yumi mas stretim gen wantaim narapela mosen gen. sapos em i raitpela disisen yumi bin mekim, orait yumi sanap strong long dispela disisen na surukim ileksen i go moa bihain long 6-pela mun.

“Bihain long 3-pela wik tasol, bai mi go long ples na tokim ol pipel long ileksen. Bai mi tokim ol olsem wanem sapos ol i askim mi long det na taim bilong ileksen bikos mi paul pinis.

“Prais Minista, husat i het bilong eksekutiv han bilong gavman, i sapotim toktok bilong Ilektoral Komisn. Na Palamen Spika, husat i



Francis Marus

het bilong lejstetiv gavman o palamen i strongim sait olsem palamen em i suprim na disisen em i mekim bai nogat man inap long senisim.

“Olsem na yumi mas tok



Francis Potape

aut na tok stret long wanpela det tasol,” Potape i tok.

Deputi Spika bilong Palamen, Francis Marus, i tok palamen bai tokaut long dispela bihain taim

TELE Apdeit

Tok klia long SMS Data na Vois Top-Ap

Telikom PNG i autim SMS Vois na Data top-ap bilong ol pripeit kastoma bilong en.

SMS Vois top-ap

Risasim Vois Akaun Bilong Yu

1. Sikirapim rausim silva panel long baksait bilong Telikad/Rait Kad namba long painim 12-pela dijtit namba.
2. Opim nupela SMS
3. Taipim V bilong vois; bihain taipim * na bihain, Telikad/Rait Kad Namba
4. Salim i go long 1257
5. Wet liklik long kisim SMS bekim

Olsem: Taipim (V*xxxxxxxxxxxx) salim i go long 1257

Yu bai kisim wanpela SMS we i tok klia long balens long akaun bilong yu

Sekim Vois Balens bilong Yu

1. Opim wanpela blenk SMS
2. Salim i go long 1256
3. Wetim balens bekim bilong yu

SMS Data top-ap

Risasim Data Akaun Bilong Yu

1. Sikirapim rausim silva panel long baksait bilong Telikad/Rait Kad long painim 12-pela dijtit o namba
2. Opim nupela SMS
3. Taipim D bilong data; bihain taipim * na taipim Telikad/Rait Kad Namba, bihain * na Data yusa namba bilong yu.
4. Salim i go long 1257
5. Wetim SMS bekim bilong yu

Olsem: Taipim (D*xxxxxxxxxxxx*xxxxxxxx)

Yu bai kisim wanpela SMS we i tok klia long balens long akaun bilong yu

Sekim Data Balens Bilong Yu

1. Opim nupela SMS
2. Salim i go long 1256
3. Wet long kisim bekim long balens

Ringim 247 Kastoma Kea long 3456789



Polis mekim wok painimaut long hevi namel long Mosbi na Hagen polisman

EKTING Deputi Komisina bilong Polis, Simon Kauba, i tokim Polis Intenel Afeas Dairektorek long mekim wok painimaut long hevi namel long ol polisman bilong Hailans Mobail Grup (HMG) na Sentral Provins Haiwe Patrol.

Dispela hevi i bin lukim 9-pela polisman bilong Sentral Provins Haiwe Patrol, husat i stap long Godens Bareks, Mosbi, i kisim bagarap, na 5-pela polisman bilong HMG i kam long Hagen i stap nau long han bilong CID polisman bihian long dispela hevi i bin kamapim polis fos long bruk namel.

Mista Kauba i makim pinis Dairekta bilong Intenel Afeas, Suprintendent Tony Duwang, long go pas long dispela wok painimaut, we 10-pela polisman bai karimaut.

Dispela 10-man tim i statim pinis ol wok painimaut long mun Epril 23, na ol i gat 2-pela wik long pinisim bipo long ol i givim ripot bilong dispela painimaut long polis long mekim save long ol polisman husat i asua.

"Dispela em i wanpela bikipela hevi na mipela mas painimaut olsem wanem em i kamap na

stretim dispela hevi hariap," Kauba i tok.

Kauba i tok long larim stretpela wok na pasin i kamap taim ol i karimaut dispela wok painimaut, dispela tim i gat ol miks polisman bilong NCD, PHQ na SSD, husat bai wok aninit long was bilong Dairekta bilong Intenel Afeas.

Wankain taim, dispela tim bilong karimaut wok painimaut i singaut long husat man o meri i bin witnesim o lukim dispela hevi kamap long halivim polisman wantaim stori bilong olsem wanem hevi i bin stat.

Sapos yu bin lukim dispela hevi i kamap, orait yu mas kolim dispela tim long telefon namba: 3419372 or 71618520 o long e-mail; dd-kakas@gmail.com. Long halivim ol polisman mekim wok painimaut.

Ol witnes i ken go lukim dispela tim, husat i stap long Konfrens Rum bilong NCD Metropolitan Suprintendent long Boroko Polis Stesen. Ol dispela opisa bai i stap long halivim: Sif Inspekta, Kapu Lua (Intenel Afeas); Sif Inspekta N'dranou Perou (SSD); na Inspekta Charles Winuan (Intenel Afeas).

EasiPAY TopUp is Here!

TopUp your EasiPAY meter or someone else's directly from your bank account

No Queues, TopUp Anytime, Anywhere, 24/7


Convenient, Easy and Cheaper way to TopUp your EasiPAY meter

BANK WITH A REAL BANK!



Sign Up today for Mobile Banking



 BSP Mobile Banking Customers can now contact 320 1212 to register your EasiPAY meter number

Niupela

Maggi

MagicTeist

Wanpela kain kuking pauda



Bai givim

BEST teist

long

kainkain kuk

Lem Fleps em i nogut kaikai

Aja Alex Potabe i raitim

LEM Fleps o sipsip em i wampela switpela mit planti manmeri PNG i save laikim tru tasol gavman bai apim gavman takis mani mak i go antap moa bikos em i no gutpela kaikai bilong halivim bodi.

Helt Minista, Jamie Maxton-

Graham, i bin muvim wampela mosen long floa bilong palamen long stopim PNG long baim sipsip bilong Australia na Nu Silan (New Zealand) bikos dispela kaikai i wok long kamapim kain kain sik na isi isi kilim moa manmeri i stap.

Memba bilong Telefomin, Peter Iwei, husat i siaman bilong Palamentri Riferal Komiti bilong Helt na Famili Welfe, i bin sapotim dispela mosen bi-

long Maxton-Graham taim em i bin givim aut wampela ripot bilong ol wok painimaut komiti bilong en i bin mekim long stopim salim na baim bilong sipsip long kantri.

Iwei i tok; "Lem fleps em i nogut kaikai bikos em i save kamapim ol non-komunikebel sik olsem obesity o sik bilong patpela tumas, daibitis o sik suga, ol kainkain sik bilong lewa, kensa, na sampela ol

laipstail sik. Moa manmeri PNG i stap long taun na siti i wok long kisim ol dispela kain sik bikos lem fleps i gat moa long 50 pesen gris, i no mit. Dispela i wok long isi isi sotim laip bilong yumi i stap."

Em i tok moa manmeri long taun na siti i skelim olsem mani mak bilong lem fleps em i liklik na ol i save ting em i gutpela apus long halivim bodi bilong ol.

Tasol moa gris bilong lem fleps i wok long daunim ol yangpela manmeri bilong kantri na ol i wok long groa lapun hariap bikos ol i no save pilai ol eksasais gut long strongim na sapotim laip bilong ol.

Helt Minista, Jamie Maxton-Graham, i tok em i hat long kantri bai stopim baim bilong lem fleps long Australia na Nu Silan bikos PNG na 2-pela kantri wantaim i memba bilong Wol Tred Ogenisesen (WTO).

"Olsem na PNG bai nau sasim bikpela mani mak bilong gavman takis bilong baim na salim bi-

long lem fleps. Gavman bai daunim mani mak bilong ol gutpela mit o apus na mani mak bilong kain nogut kaikai bai go antap moa long stopim ol kampani salim na manmeri baim dispela pipia kaikai," Maxton-Graham tok.

Em i tok sampela kantri long Yurope olsem Denmark, Norway, Sweeden na sampela ol Pasifik Ailan kantri olsem Samoa na Tonga i nau apim mani mak bilong kain kaikai long gutpela bilong laip bilong manmeri bilong ol.

Olsem na PNG i mas stopim lem fleps, Maxton-Graham i tok.

Ol wokman long sip nogat gutpela kwalifikesen

Michael Novingu i raitim

RABAUL Shiping kampani i kisim ol wok lain long wok long sip, *MV Rabaul Kwin*, nogat gutpela kwalifikesen o save long ronim sip.

Olsem na dispela i lukim *MV Rabaul Kwin* i kapsait long Februari, 02, 2012 long Solwara bilong Finsafen long Morobe Provins na moa long 200 manmeri i dai.

Loya i makim Komisen ov Enkwairi, Mal Varitimos i tok, bihain long ol i sekim pepa bilong ol wok lain long *MV Rabaul Kwin*, ol i painim aut olsem planti bilong ol woklain long dispela sip em ol pepa bilong ol long wok i no stret long ronim sip *MV Rabaul Kwin*. Varitimos i tok long dispela as, *MVRabaul Kwin* i kapsait na kilim moa long 200 pasindia long solwara bilong Finsafen long Morobe Provins long Februari, 2012.

Varitimos i sutim askim i go long bosman bilong Nesenel Maritaim Sefti Atoriti (NMSA) long Is Niu Briten, Joseph Kabiu, olsem bilong wanem atoriti i no sekim wokpepa na ol arapela sefti samting antap long *MV Rabaul Kwin*.

Mista Kabiu i tok NMSA nogat planti woklain long karimaut dispela wok.

Em i tok ol i nogat planti wokmanmeri na olsem, ol i no karimaut Inspeksen o sekim Rabaul Kwin long lukim i stret pastaim long sip i mekim ron bilong en.

Em i tokim Enkwairi olsem NMSA i bin Inspektim Rabaul Kwin long Epril, 2011.

Long dispela taim, em bin gat 14-pela laip rap na sampela laip saket i stap antap long en.

Moa yet, nogat laip

saket bilong ol pikinini stap.

Kabiu i tok ol i no sekim ol Lod lain Setifiket o pepa long sekim hamas kago na pasindia Rabaul Kwin bai karim.

Kabiu i tokaut olsem NMSA i feil tlong karimaut wok bilong ol we lukim Rabaul Kwin i bungim taim nogut na kilim dai planti manmeri.

Loya Varitimos i askim Mista Kabiu sapos em i gat sampela moa toktok pastaim long ol i pinis, tasol Mista Kabiu i tok ol i asua pinis na long bihain taim, ol bai no inap mekim gen.

Em i tokim em olsem Enkwairi i olsem dispela samting ol mas wok bung wantaim long lukim olsem hevi i noken kamap gen.

Dispela em ol samting i bin kamap long ples klia we ol siping kampani i mas bihainim:

- Mas i gat Sefti Trening bilong ol woklain long sip olgeta taim;

- NMSA woklain mas wokbung wantaim ol siping kampani long sekim ol sip mas stret pastaim long em i wokim ron bilong en;

- Ol siping kamapani mas bihainim trupela na stretpela pasin long lukautim sip bilong ol;

- Introduyusim ID kad Sistem long ol pasindia kalap long sip;

- Putim Sefti Setifiket long ples long pasindia, NMSA woklain na arapela lain long lukim;


- Sekim olgeta sip long ol samting i stret pastaim long ol wokim ron bilong ol long solwara bilong PNG;

- Sekim ol woklain long ol sip i mas gat gutpela save long wok long ol sip; na

- Kisim planti wokmanmeri long wok long NMSA, na tu, wok bung wantaim na nogat hevi bai kamap

If your name is not on the Electoral Roll, hurry and enrol now.

Your name must be on the Electoral Roll to be eligible to vote in the 2012 General Elections.



Go to your nearest electoral, provincial or local government office to enrol.

Remember No Name, No Vote



Last Day of Enrolment, Friday, May 18, 2012
A Free, Fair and Safe Election

www.pngec.gov.pg
Authorised by Andrew S. Trawen, CMG, MBE

Tumora bai olsem wanem?

ORAIT, nau mipela i lukim narapela bikpela birua i kam long Peter O'Neill na ol boi bilong em, na em i olsem tasol inap pablik i autim kros bilong ol.

Ol yangpela man na meri bilong UPNG em ol hiro bilong mipela bikos ol i soim strongpela bel na tingting na holim han taim ol i mas i go abrusim ol polisman i holim gan. Ol polisman i kamap olsem praivet sekuriti gad gen.

Na Dokta Allan Marat, Minista bilong Jastis na Atoni Jeneral, i wok tok olsem dispela ma sol sumatin i mekim em i kamap long ol Enga sumatin long traim strongim wantok bilong ol Sif Jastis. Em wanem kain toktok ya? Save bilong em i arere tasol bai em i mekim dispela toktok long traim kliarim dispela Judisal Kondak Bil? Sapos em i mak bilong save bilong em, orait, i mas tru, bikos Peter O'Neill na Belden Namah i wok long stap long hot sup klostu klostu.

Em nau, as bilong dispela Bil em i klia. Em bilong rausim ol jas husat i no surik long wok bilong ol olsem ol Jas bilong Indipenden Stet bilong Papua Niugini.

Yumi mas tok stret. Ol jas bilong yumi, wankain olsem olgeta arapela jas, i nogat wanpela praivet polis fos long mekim ol hait, pipia wok bilong ol, olsem O'Neill na Namah. Dispela tupela man i ken mekim kolaut long laik bilong ol. Na ol jas i nogat rot long kisim halivim long nesanel tresari long baim politikal sapot olsem Namah na O'Neill i ken mekim olsem.

Samting ol Jas i save sanap strong long en bai ol i wok gut, em 'rispek' bihainim skul ol i kisim long loa, wok bilong ol olsem ol loya, gutpela pasin bilong ol, na strongpela bel bilong ol, na las tru, nem bilong opis bilong Jas.

Na wantaim dispela, i gat ol arapela loa rot bilong wok long strongim ol dispela oda bilong Jas.

Taim i gat bikpela na ples klia birua long nem bilong Jas, orait, em i nogat wanpela banis bilong em. Em bai yusim kontem provisoin tasol long loa bilong banisim opis bilong em. I nogat moa.

Olsem na watpo O'Neill na Namah i skin kirap tru long mekimsave long ol Jas husat i nogat pawa long banisim ol,



Sabina's Corner

tasol ol i mekim gut konstitusional wok bilong ol, wantaim nogat pret o bihainim wanpela rot tasol. Em nau, yumi no save.

Ol jas bilong yumi i no stap long as bilong sting i kam sindaun long Papua Niugini long Indipenden na i kam.

Yu laik painim ol man i stap long as tru long asua long sotpela histori bilong PNG, orait, yu mas kotim tu Sir Michael, Sir Julius, Sir Mekere, Pius Wingti, Sir Rabbie na long taim politisen olsem Bart Philemon, husat i bin wok aninit long ol dispela ol praim minista husat i lukautim ol na ol wanlain bilong ol tasol, na olgeta arapela long kantri, ol i lus tingting long ol.

'Lusim ol Jas bilong yumi stap' em i toksave i kam long ol Yuni sumatin long stori long ol politisen, na mipela i luksave long ol long sanap ol i mekim long dispela samting.

Yu mekim mipela i amamas tru, na yupela i semim kain 'humen raits loya' olsem Powes Parkop na ol arapela loya long gavman olsem Allan Marat, Francis Awesa, na Moses Maladina.

Judisal Kondak Bil em i no traim long inapim wanpela samting i lus long loa i sut long pasin wansait.

Olsem na husat loya i go pas long givim stia tok, o i draftim dispela hap pekpek bilong dok, em i noken kolim em yet loya.

Em i wanpela lus man, na wanpela man o meri bilong smelim as bilong ol politisen.

Na sapos dispela loya i go het long dispela kain pasin, bai baksait bilong ol i solap long bendaun na likim tumas ol but bilong ol politisen.

Mipela i ting olsem UPNG Loa Skul i mas kamapim wanpela nupela subjek ol i kolim, "We bilong Likim ol But bilong ol Politisen na Susu long ol pinga bilong ol" long ol stadi progrem bilong ol long bihain.

Na mipela i ting olsem ol i mas kisim Dokta Marat, LLB; LLM; Phd, olsem namba wan Siaman long stiaim ol na ol arapela kos long kisim loa digri long UPNG.

Loa long pasin wansait em i no wanpela fil bilong loa i wok long kamap. Em i wanpela long ol dispela fil bilong edministretiv loa i stap long taim pinis insait long ol komon loa kantri we i bihainim Inglis loa olsem faundesin bilong ol ligel sistem bilong ol. Loa long pasin wansait em ol i kisim long ol Komon Loa Kot long ol Eklesia Kot i go pas long tingting olsem nogat man i mas sindaun jas long wok em yet i mekim.

Na dispela tingting i gat tupela hap, namba wan em Jas i sindaun glasim kot i noken gat wanpela pesenal intares long kot em i glasim; na namba tu, sapos em i nogat samting long kot em i glasim, orait, em i noken tok autim ol tingting bilong em long go agensim kot jasmen em i sindaun long en. Loa i tok olsem long tupela sait wantaim Jas yet i mas lusim kot na larim narapela Jas i go pas long skelim.

Na ol dispela em ol loa tingting bilong 17 na 18 sensari yet we i kam, i kam na nau em i holim strong loa bilong pasin wansait i stap nau.

Nau, em i no moa askim sapos em i tru tru pasin wansait o nogat. Loa nau i askim sapos i gat sans long pasin wansait i kamap, o sapos i gat inap tingting olsem i mas i gat pasin wansait.

Dispela nau em i wanpela strong pela astingting bilong loa wantaim loa mekimsave, sapos Jas i brukim loa.

Olsem na mipela i mas askim O'Neill na Atoni Jeneral bilong em: "Wanem bikpela astingting bilong loa i stap insait long dispela judisal kondak bil?"

Dispela bil i no bin kamapim wanpela nupela samting long bikpela loa long pasin wansait.

Samting em i mekim, em i tromoim olgeta loa long pasin wansait i go aut olgeta. Em i opim tin snek na long pasin bilong yumi PNG, dispela Bil i kamapim nupela hevi bilong mipela, olsem hevi bilong 'forum soping', wanpela bikpela astingting bilong loa long fil bilong praivet intanesenel loa.

Em i olsem. Olgeta wanwan man na dok bilong em bai go kam long ol Kot Rum long painim wanpela Jas ol i ting bai lukluk gut long ol, o wanpela juri, bai ol i ken winim kot.

Nau yet, ol kot rum bai kamap olsem ol Kot long Amerika i save mekim long makim ol juri.

Tasol, bikpela moa pasin stil

long dispela Bil i stap aninit long Seksen 5 (2) we i tok olsem:-

"(2) *Sapos Palamen i lukim olsem wanpela Jas i no rausim em yet aninit long sabseksen (1) o i senisim kot wok agensim sabseksen (1), Palamen yet, wantaim wanpela mosen, i ken riferim Jas i go long Het ov Stet long makim wanpela Traibunal long sekim asua long sabseksen (1) na i givim wanpela ripot i go long Palamen o i ken salim i go long narapela Atoriti long karimaut wok mekimsave.*"

Namba wan asua wantaim dispela loa antap, em i askim: "Palamen bai kisim dispela luksave olsem Jas i wansait, olsem wanem?"

Na ol praivet manmeri i ken go long Palamen sapos em i pilim olsem wanpela Jas i wansait na sapos i olsem, wanem ol rot i stap long bihainim long karim i go olgeta long palamen? Na sapos wanpela manmeri i kot i bihainim dispela rot, olsem wanem long ol loa rot i stap long em long bihainim long go long kot tasol? Ol i lusim olgeta dispela long bihainim stia aninit long dispela Bil? Sapos nogat, orait, yumi mekim wanem stap, na yumi wok go we tru wantaim dispela Bil?

I gat planti askim tumas long dispela Bil.

Dispela bil, ol i no skelim gut tingting long en.

Man nating i ken lukluk long dispela Bil na luksave olsem ol i hariap tru long mekim dispela bil, na ol i no skelim gut sampela ol bikpela samting, olsem; palamen nau i wok long go insait long wok bilong judisari, na sapos i olsem, olsem wanem long luksave long separesen o brukim bilong ol pawa; we dispela bil i wok daunim; na namba tu, wanem em i as tru long Palamen long kamapim dispela kain loa?

I gat planti askim tumas long dispela bil, na sapos em i kisim strong, nogut ol gutpela loya manmeri bai no laik bihainim dispela kain bil ol i hariapim olsem.

Na olsem wanem long Somare? Nau em i wok hariap tru long singaut, "wolf, wolf" olgeta taim O'Neill na Namah i kamautim wanpela nupela samting olsem dispela bil long Judisal kondak.

Na taim em i sutim pinga long Ombudsman Komisen long ol i opim maus long dispela Bil, em i skin kirap tru na

belkaskas nabaut.

Turangu, ating em i gat hevi long tingting bilong em. Em i no tingim olsem pastaim long em i ronawe i go long Singapo long silip haus sik, em i bin go pas long senisim loa we i rausim ol pawa bilong OC na Ombudsman Komiti, aninit long Maladina i bin tekova na bosim Komisen. Na bihain, Sir Michael i givim mipela ol senis long loa bilong Envairomen, we i rausim ol rait bilong ol papagraun long kotim ol developmen kampani long birua i kamap long busgraun. Tenkyu long O'Neill na Namah, dispela loa, ol i senisim pinis. Somare, yu nogat sem tru!

Na nau, Sir Michael i laik bai mipela i bilip olsem em i namba wan sempion bilong ol pipel na rait bilong ol. Plis, tekov i go nabaut. Yu nogat moa strong na mipela nogat moa bilip long yu.

Mipela ol pipel i bin bilip long yu na yu no lusim wanpela samting long mipela na ol pikinini bilong mipela. Nogat tru!

Yu wok long bisi long bildim liklik empai bilong yu wantaim mani bilong pablik.

Yu wok long groim kampani bisnis bilong yu, na yu kamapim ol famili na wanlain bilong yu tasol. Insait long NEC tu, yu bin gat liklik ol lain etvaisa husat i wok kisim stia long dispela 'stail mangi', Arthur, em Somare yet.

Lus tingting long kantri; lukluk long wok yu mekim long provins bilong yu yet long ESP. I nogat samting tru long hap!

Na olgeta yia, ol dispela pipel i wok pasim tingting yet na givim sapot na votim yu i go, na yu wok lukim kambek bilong yu olgeta faivpela yia olsem wanpela kain rait wanpela kain god yet i givim yu. Yu sik ya. Em i klia.

Na nau em i taim bilong O'Neill na Namah long repim kantri na pinisim olgeta kina na toea, na yu wok singaut, "stil dok, stil dok!" Wanem? Yu tasol bai kaikai? Tupela em man tu ya. Na yu ken pasim maus.

Sir Michael, yu nogat as long toktok makim ol pipel yu yet i bin yusim taim yu stap long opis.

Insait long sikspela mun bihain long ol i kisim opis, dispela tupela i givim pipel fri helt na fri edukesen. Em i orait. Na insait long 40 krismas yu holim pawa, yu givim wanem? Nogat tru! Ziro Balens!

Simbu kisim

K80 milian

long edukesen,

helt na ol rot

Kos bilong ol marasin long praivet haus sik i antap tru

I GAT wari olsem kos o pe bilong ol marasin i antap tumas na givim hevi long pipel long baim.

Moa yet, ol marasin bilong ol sik olsem sik malaria na ol sik we planti pipel long kantri i save kisim.

Membra bilong Wewal Open, Dokta Moses Manwau, i bin autim wari long kwesten taim bilong sindaun bilong Palamen las wik Fonde.

Dokta Manwau i bin tok wanpela peket bilong atimita marasin bilong sik malaria em

ol isalim long K34 long kemis. Olsem na em i putim askim long Helt Minista, Jamie Maxtone-Graham, sapos em i gat plen long kamapim wanpela bodi long monitaim ol dispela na ol pipel long ol rurel eria i ken gat inap mani

long baim ol kain marasin olsem.

Mista Maxtone-Graham i tok em i taim nau long gavman long mekim samting na olsem, em tokim sekreteri bilong em long redim wanpela ripot pepa long dispela.

Eric Sinebare i raitim

NAMEL 10-20 tausen manmeri, pikinini, yangpela na lapun bilong Simbu provins i wetim Praim Minista, Peter O'Neill, na lain bilong en i go long Simbu.

Mista O'Neill i lukim Simbu i hangere long kisim em na dispela luksave i stap long Simbu long wanem, gavman bilong O'Neill-Namah i kamapim gutpela wok polisi bilong fri edukesen na fri helt sevi polisi insait long kantri.

Praim minista i mekim wanpela de wokabout bilong em long sapatim na luksave long ol sampela bikpela projek long Simbu.

Mista O'Neill i tok long 36 krisma i go pinis, i gat planti samting bilong bipo i stap yet long olgeta hap bilong kantri na i no gat wanpela senis.

Em i tok planti manmeri long ples i gat bikpela nid long ol sevis imas i mas go daun long ples.

Em i tok em i luksave long sampela memba bilong Simbu i mekim wok, na sampela wok i sta yet long surikim moa i go yet.

Em i tok olsem na i givim manimak olsem K80milian i go long Simbu we ol i tilim i l go long olgeta hap bilong distrik na provins.

Stretim rot long Kundiawa taun, ples balus na haus sik long Kundiawa i givim olsem:

Karamui-Nomane distrik i kisim K5.5milian long district opis, K2milian long bikpela projek long distrik, K1.5milian long kisim pawa.

Sinasina Yongomugl kisim K7milian, K2milian i go long rot long district na K2milian i go long ol wok bilong distrik helt sevis i strongim wok long haus sik.

Chuave Distrik i kisim K4milian kina na i givim K1.5 milian i go long Karewari Hai Skul, na K2.5 milian i go long strong wok haus sik long distrik.

Gumine distrik i bin kisim K7.5 milian na givim K3milian i go long wok bilong rurel haus skim, K2milian em i givim long wok bilong strongim ol haus sik, na olgeta distrik rot em i bin igivim K2.5milian.

Kundiawa Gembogl distrik i givim K2 milian i go long Maun Whitem Hai Skul, wok bilong strongim ol haus sik i kisim K2 milian na long stretim olgeta wok bilong rot long distrik i kisim K2.5 milion kina.

Kerowagi distrik na Kerowagi Bogo rot i kisim K3 milian.

Long K22-millian Chuave i kisim, K5 milian i go long wokim laim ston projek, K2milian i go long Karewari Hai Skul, na K2milian i go long ol rot wok insait long distrik.

Long wankain taim tu, em i givim K10-milian i go long Gumine -Karamui rot.

Nau wok i go yet na K5milian i go long ol arapela wok bilong Gumine Distrik.

Em i no lus tinting long Sinasina Yongomugl District we ilektoret bilong spika bilong Palamen i kisim K 7.5 milian mani mak.

Mista O'Neill i tok dispela kantri i gat olgeta risos na pulap tru long yum na yumi mas mekim kamap kantri bilong yumi. Na pipel i no ken kamap ol turangu lain o singaut kra long gavman o sot long wanpela samting, nogat!

"Yumi gat olgeta samting i stap na yumi mas yusim gut.

"Ol lida bilong pipel i mas wok gut na olgeta samting i kamap gut.

Yumi ken sindaun gut long ples na mekim wok bilong yumi i go isi, nau na bihain tu. Hon. O'Neill i tok.



Late – GRACE LOGOSON
27/09/1981 – 26/02/2012

ACKNOWLEDGEMENT

Logoson's Family and the relatives from Manus and Wagogo section 21 of Tinganalom – Kokopo wish to take this opportunity to express our sincere gratitude to the following relatives, comrades, workmates and friends that came and assisted/comforted us during our grief of our daughter – Late Grace Logoson, who tragically passed away in Kimbe General Hospital during cesarean operation on Sunday 26th February, 2012.

Though it was a very short notice, all came along with heart in sharing our grief and for most assisted us financially towards our journey from Pom-Kimbe-Rabaul-Pom.

Port Moresby

1. James Madai & Family
2. Joe Sapa & Son (Trevor)
3. Luke Sohoplep N'Dramak
4. Simon Lelei & Family
5. Jeffery Poei & Family
6. Simon Poei
7. John Sam & Family
8. Rita Sisii
9. Frederica Sakette & Family
10. Monica Siwin
11. Theresia Balepai & Son (Thomas)
12. Grace Tjangau
13. Agnes Posong & Family
14. Ruth Amos & Family
15. David Kela & Family
16. Paul Boma & Family
17. Koliadi & Family
18. Gilalong Lapan (Gills) & Family
19. Steven Kolia & Family
20. Michael Koliadi and fellow ship group
21. Simon Kur & Family
22. Andrew Moi & Family
23. Nancy Kake & Family
24. Alphonse Kurabi & Family
25. Baku Bakuwai & Family
26. Ms. Linda Warup & Family
27. Lawrence Welen
28. Philip Lahen
29. Lison Sale & Family
30. Henry Launeka
31. Philip Rambaliku

32. Lowa Tambua
 33. Joe Numbos
 34. Ronald Yaneku
 35. Josephine Pep
 36. Rhonda Mewerimbe
 37. Gorethy Mitu & Family
- KIMBE**
1. Peter Balepai
 2. Winnie & Family
 3. Mark Kelep Jr.
 4. Emil
 5. Willie Kuwemeling
 6. Eddie & Family
 7. Clement Pakou & Family
 8. Komai & Family
 9. Tina
 10. Francis Popeu & Family
 11. Dr. Kiromat & Family
 12. Paul Natau
 13. Kingsley
 14. K Mart Management & Staff
 15. Ereman Ragi & Family
 16. Jack Bai
 17. Kanawi & Family
 18. Esther Basopai
 19. Ani & Kenny Baimon

RABAUL

1. Lazarus Tuam
2. Mathew Pa'alah & Family
3. Chris Aheng
4. Chris Balojang
5. Philip Silou & Family

A very special thank you to:

1. Henry Henry and Family – Pom
2. Bill Kuamin & Family – Kokopo
3. Serrie Wartovo & Family
4. Shirley Bai & Family
5. Henry Aiso & Family
6. Jolam Kuamin – Vagogo
7. Police Association – Pom
8. Ward councilor – Dickson ToNgana
9. Talatala – Kenneth Tamdodo & Pastor Lesley Tenaen
10. Congregation of Ratavul United Church – Tinganalom
11. Womens group of Ratavul United Church – Tinganalom
12. Friends and relatives who contributed food & Shell Money
13. Close relatives of Sori in Manus
14. Staff of W.H.O.

WUROH

MA

BOINA TUNAI



Raun lukim ol meri na pikinini:

ASKIM NA SAVE: Wampela meri lida i bin sindaun long meri ileksen woksop i putim han long autim wampela askim.
Poto: Nicky Bernard



TREN LONG KAM TELEPON MERI. PLANTI long ol yangpela meri wok long kamap teknisen bilong sampela bikpela kampani nau. Aiva Vagi bilong ples Kwikila long Sentrel Provins i bin skul long Commercial Training College long Waigani. Nau, Aiva i go skul wok wantaim Conxion, na Wantok Niuspela potogapa kisim piksa bilong em taim em wok long stretim telepon lain long nupela opis bilong Word Publishing kampani i stap nau long Waigani Draiv, Able Computing bilding na antap plua. **Poto Nicky Bernard.**

PNG SUSTAINABLE DEVELOPMENT PROGRAM LTD



Wara Saplai bilong maunten

EM save kamap wampela gutpela taim bilong komyuniti na olgeta stekholda taim wampela projek bilong ol i pinis. Amamas bilong ol i save moa yet taim ol i tingim bek ol hat wok bilong mekim dispela projek olsem karim ol hevi samting bilong wok i go antap long ol bikpela maunten, i go insait long bikpela bus na wokabaut tripela hawa i go long ples balus. Sapos nogat bai ol i wokabaut tupela de i go long taun. Dispela i save pas tru long tingting na lewa bilong ol lain husat i luksave long hatwok na hevi bilong ol manmeri husat i save stap long dispela ol ples.

Dispela ol lain em ol manmeri bilong Yapurak long Sarawaged maunten rens long Huon Peninsula insait long Morobe provins. Dispela em i wampela komyuniti we ol manmeri gat strongpela tingting tru long kamapim ol gutpela samting long ples bilong ol. Mipela i no bungim planti kain ol lain olsem ol developmen wok bilong mipela bipo hia long PNGSDP.

Long 2007, Rurel Developmen Dipatmen bilong Evagelikol Lutheran sios bilong PNG (ELCPNG) husat ol i save kolim olsem Lutheran Developmen Sevis (LDS), i bin kam lukim PNGSDP wantaim wampela proposal long sapatim 200 manmeri bilong Yapurak wantaim astingting long kamapim wantaim gutpela wara saplai.

Inap long tupela yia, ol manmeri save givim mani olgeta wik long taim bilong sios long bungim 10% bilong mani mak long kos bilong dispela projek, olsem LDS i askim long en. Taim dispela i pinis, Infrastraka Divisen bilong LDS i statim wok long kamapim wampela sistem bilong kisim gutpela wara saplai go long ol. Bipo long dispela, ol meri na pikinini save bihainim maunten i go daun tru long sait na kisim wara long ol bikpela wara na raun wara i stap daunblo. Ol i save pulapim insait long ol mambu na karim i kam bek antap long maunten. Tasol yu save pinis olsem ol mambu i nogat bikpela spes insait long holim planti wara olsem na ol i save go kam planti taim long kisim wara na tu ol i save lukaut long noken pinisim hariap.

Aninit long CEO diskreseneri delegesen, tok orait i bin kamap long givim aut K42,750 long Ogas, 2007. Taim ol asples manmeri harim olsem mani bilong wok i kisim tok orait pinis, ol i amamas tru na i bungim ol yet na mekim ol wok long redim ples bilong ol samting bilong wok long kamap. Ol samting i kamap long stat bilong Disemba na balus i karim long Nadzab ples balus i go long Mathak liklik ples balus, we i pundaun stret long han bilong ol asples husat ol i wokabaut tripela hawa i go kamap long hap long wetim ol dispela samting. Ol i karim ol bek simen, ain paip na planti arapela samting na wokabaut i go bek long ples. Em i kisim ol 10-pela de long pinisim dispela projek aninit long was bilong ol LDS wara teknisen. Ol i pinisim bipo long Krismas De.

Taim ol wokmanmeri bilong mi go sekim ples we dispela projek i kamap long Jenuari 8, 2008, ol i sotwin nating long wokabaut i go antap long maunten tasol ol i amamas tru long wanem samting ol i lukim. Wampela liklik bung i kamap long amamasim tupela yia bilong hatwok dispela komyuniti yet i mekim long kisim wampela liklik tasol bikpela projek tru i go long ples bilong ol.

Long PNGSDP, mipela i lukim planti komyuniti givim han long kamapim ol projek. Long mipela, dispela i soim olsem ol i gat amamas na tingting long lukautim samting bilong ol yet taim ol yet i go pas long wokim na kamapim.

Olsem komyuniti bilong Yapurak, wok bilong lukautim i go bek long komyuniti yet nau long wokbung na mekim em i go bikpela moa yet. Dispela bikpela tingting i ken go long sait bilong kamapim wampela wara saplai sistem, klasrum bilong skul o liklik klinik, ol komyuniti yet i mas go pas long kamapim ol samting bipo long wampela man i ken givim han long helpim ol.



CEO: David Sode

I kam long tebol bilong CEO (Article #15 of 2012)



OL MERI KISIM STRONG: Ol meri husat i laik kisim lidasip wok long komyuniti, ol lokol level gavman wod na long nesanel level nau i kisim strong na kliapela save bikos long ol woksop we AusAID na Yunaited Nesens Developmen Program i bin ranim long kantri. Tupela meri lida bilong Momase rijen i amamas long stap insait long wampela woksop i bin kamap long Mosbi long sotpela taim i go pinis. **Poto: Nicky Bernard**



AMAMAS RAUN LONG WILWIL: Sampela ol pikinini meri tu i save laik amamas raun long wilwil, olsem Dispela poto i soim. **Fail Poto**

Ol Kristen i wari long haus lotu i bruk

Eric Sinebare i raitim

OL Lutheran Kristen manmeri bilong Moregabi kongrigesen insait long Kote Yabim Seket, Chuave long Is Simbu district i lusim wanpela olpela haus lotu bilong ol.

Dispela em taim diwai i pundaun antap long haus lotu long las yia na dispela i bringim bikpela wari na pen.

Ol hetman na het meri na ol lapun manmeri husat i wokim dispela haus lotu em sampela i stap laip yet i autim bikpela wari na sori we i brukim tingting bilong ol.

Ol het lida bilong seket na distrik wantaim ol sios hetman i holim wanpela lotu long soim sori bilong dispela haus we ol i wokim long han na long kos bilong ol diwai na kappa taim prais bilong ol samting i liklik.

Hetman na bipo distrik presiden bilong Is Simbu, Reveren Miopa Sine i tokim Wantok Nius olsem dispela haus lotu ol i wokim long

1959, na em i wanpela strongpela haus i gat luksave long ol Lutheran Kristen manmeri bilong Sirikoge, Moregabi na ol biknem lain wanpisin ol kolim Kepai.

Em i tok dispela i lukim olsem mipela ol Kristen i mas soim strong gen long wokim nupela nau, taim i senis na planti Kristen manmeri i kamap bikpela, na planti save lain manmeri i lotu na baptais insait long dispela haus lotu, dispela hevi i go long olgeta lain manmeri bilong Kepai i ken bung na kamapim nupela haus lotu.

Reveren Sine i tok wok i redi long dispela na ol sios lida na het manmeri nau i mas soim blesing bilong God nau i kamap bikpela. Na ol i redi long kamapim nupela.

Ol Kristen bilong Moregabi sios i tok long sanapim nupela haus, na ol i singau long ol pikinini bilong ol nau i stap naubaut long PNG na ovasis i ken luksave na sapotim dispela olpela haus lotu.



WARI: Ol dispela lain i soim wari bilong ol long haus lotu i bruk

God bai stiaim yumi long ileksen

Eric Sinebare i raitim

ILEKSEN opis long Simbu i nau opim na putim olgeta wok bilong ileksen i go long han bilong God we i mas kisim luksave long olgeta sios.

Ileksen 2012 em i yia we olgeta wok bilong ileksen i mas i stap long han bilong God.

Ileksen menesa bilong Simbu, Steven Gore Kaupa, i mekim dispela tok long Sen Martin Lutheran Sios long Ega, Kundiawa long tai mi bin gat bikpela lotu bung we olgeta ileksen opis wok manmeri, ol NGO, olgeta sios long Simbu na ol arapela grup manmeri i kamap long dispela bung lotu.

Lutheran Sios long Simbu i go pas long lotu na long olgeta wok redi.

Mista Kaupa i tok bipo tru dispela pasin bilong wok bung na putim God i go pas long olgeta kainkain wok bilong ileksen i no save kamap.

Olsem na nau ileksen tim

bilong Simbu i laik wok bung wantaim olgeta sios, gavman, ol NGO na arapela bodi i stap long Simbu.

"Long dispela 2012 ileksen em mi laikim olgeta wokmanmeri bilong mi insait long opis i soim gutpela na stretpela wok pasin, abrusim olgeta kainkain giaman, trik, tok gris, paulim tingting bilong pipel, kandidat, na arapela lain long ol wok ileksen.

"OI ARP na ol RO we bai i lukautim olgeta ileksen long wanwan ilektoret i mas was gut na mekim gutpela stretpela wok i bihainim tingting bilong gutpela ileksem wok nau yumi soim na laik mekim," Mista Kaupa, i tok.

Tu em i tok, nau yumi kamap ples kliia long ai bilong God long haus lotu na i tokaut long tingting bilong yumi long opis.

Olsem na yumi yet i mas tokim ol manmeri long ileksen olsem ol i mas gat

fridom long vot, Iples i mas orait long ol manmeri i wok i mas gat fridom tu, nogat poret, man mas vot long laik bilong en na meri tu i wankain na abrusim olgeta kainkain hevi bilong ileksen.

Reveren Apa Ali i tok sios i luksave nau olsem pastaim ol lida i no wok bung na mekim ol dispela kain wok we ol sios inap long skulim ol long gutpela tingting.

Na makim gutpela lida i abrusim bikpela rong long bipo, em i tok.

Nau bai Lutheran sios i gat lida na tim o grup i stap pinis, na i mekim wok bilong karim ileksen awenes i go pinis long planti hap.

Na nau em i lukluk long wok bung wantaim ileksen opis we ol arapela sios i mas kam na yumi olgeta i bung na bringim toktok na toksave bilong ileksen i go insait long wanwan kongrigesen bilong yumi, Reveren Apa, i tok.

Ridima Peris Selebretim Yut Sande.

Pasto Max Gende i raitim

LONG olgeta yia long las Sande bilong mun Epril, ol Yut Grup bilong ELC-PNG save selebretim Yut Sande wantaim tenksgiving Lotu.

Las wik Sande Ridima Peris insait long Lae siti seket bilong Yabem Distrik i bin holim wanpela bilpela bung lotu wantaim tenksgiving.

Moa long 10-pela Yut Grups long peris i bin stap insait long stail long bilas na singsing na bringim ofa bilong ol i kam.

Na moa long 1,000 Kristen manmeri na pikinini i witnessim dispela spesol yut de

selebresen.

Ol spesol ges i kam long Yabem distrik em, distrik yut kodineta, Araba Saia, Sios Nesinol 5 Sta kodineta, Aleung Bain, Reveren Sere Muhuyu na Cathy Gendi long Sosel Konsens divisien. Pasto Sere i bin autim Gutnius long dispela de. Em bin tok ol Kristen na yut i mas painim aut na luksave long plen na tingting bilong God long laip bilong ol.

Em bin tok, " God em i stap insait long yupela. Olsem na painim aut plen bilong em insait long Tok bilong em na bihainim. Em redi long helpim yu," Pasto Sere i bin tok.

Nau yet Yabem distrik yut

kodineta, Araba Saia i tok, bipo ol rekod na ripot bilong ofaring i kam long Yut Sande lotu long 17-pela ELC distrik i go long Nesinel Yut Opis long Ampo i no save stap kliia.

"Tasol, long dispela yia na i go moa, olgeta Yut Sande tenksgiving ofaring i mas go long wanwan distrik yut opis na rekod mas stap. Na bihain distrik i ken salim ofa mani i kam long Nesinel Yut Opis," Mista Saia i tok.

Em i tok kliia tu olsem ripot mas stap kliia na Nesenol Yut opis i ken skelim ol mani na givim 70% pesen i go bek long olgeta distrik yut opis. Na 30% nesenol opis i ken yusim long wok misin.



Ol Yut Grup Bilong Ridima Peris Bringim Ofa Wantaim Stail Long Bilas na Singing.

Loya Naru givim helpim long Kimbe sios

:WANPELA loyaman husat i gat bikpela lewa long sios, ol yut na ol liklik manmeri i givim gen helpim i go long Kimbe Lutheran komyuniit long las wik.

Loya Kelly Naru na nau i wanpela misinari em dispela man.

Long las wik, em bin givim K65,000 long ol Lutheran na ol narapeal sios long Kimbe insait long wanpela bung i bin kamap long Mingai Lutheran kongrigesen is tap 45 minit draiv ausait long Kimbe taun.

Mista Naru i bin inapim askim bilong ol pipel long

Kimbe husat i bin askim em long helpim .

Em bin tok mekim bisnis bilong God i bisnis bilong yu na em bai helpim yu.

Mista Naru bai resis long sia bilong Morobe rijinel we Luther Wenge i holim long dispela taim.



PRE LONG GUTPELA ILEKSEN: Ileksen opis long Simbu i opim wok ileksen wantaim lotu, i kamap wantaim sios long stretpela na gutpela ileksen 2012. Ileksen Simbu opis wok manmeri na ol Lutheran sios wok manmeri na sios lida i sanap long kisim poto long taim bilong ileksen lotu. **Poto: Eric Sinebare**



Mani kam aut ples klia nau.

STAIL bilong O'Neill Gavman em narakain tru long sait bilong givim mani long helpim ol wok na sevis insait long ol ples na komyuniti.

Yu ken lukim klia olsem dispela gavman nau I wok long givim mani long ol pipel nau long ol kainkain wok olsem skul, bris, stretim rot, haus sik stretim taun na planti arapela moa. Ol i givim mani hariap tru na i no westim taim long toktok na sekim ol pepa tumas. Taim memba I askim long mani bilong mekim wok long ples bilong em o olupela pepa na ripot long ol wok bilong bipo i stap, hariap tru dispela O'Neill Namah gavman I karim mani na go givim stret.

Em i narakain long stail bilong ol gavman bilong bipo we ol save toktok tumas na sekim pepa long-pela taim tumas bihain orait ol givim mani. Tasol ol save givim mani isi isi long ol distrik na provins long wanem



kain wok ol gat long en.

Em tupela kain stail. Ating dispela gavman bilong O'Neill na Namah em ol yangpela blut we ol laik mekim samting kamap hariap o olsem wanem? Praim Minista Peter O'Neill yet bin tokaut pinis olsem mani bilong Papua Niugini i stap na ol mas givim go bek long ol pipel. Em olsem na yumi ken lukim long nius olgeta wik olsem ol provins na distrik I wok long kisim mani long stretim na kirapim ol sevis na wok long hap bilong ol.

Yumi ken askim sapos ol dispela mani gavman i wok long skelim skelim raun i stap pinis long baset, ol bai tok yes ya.

Ating dispela gavman i givim fri edukesen na fri

helt sevis na em sevim mani long givim aut olsem o olsem wanem? Ating bikpela mani bilong maining insait long kantri i stap olsem na ol skelim olsem o? Kainkain tingting tasol, bikpela samting em gavman save long rot na wanem hap mani i kam long na bai go long en.

Tru tumas mani save sot na gavman bai kisim het pen long painim mani long dinau. Tasol sapos em ken kamapim gutpela menesmen bilong mani em yumi no inap bungim hevi bihain taim long mani sot. Taim mani sot long kantri, em yumi bai pilim taim strong bilong PNG Kina bai go daun. Em nau planti bisnis bai pasim dua na planti manmeri bai nogat wok moa hevi bai kamap.

Em i gutpela long tromoi mani go long mekim wok olsem stretim rot na bris bikos dispela inap kirapim moa wok bisnis na pulim moa mani kam long kantri na tu long han bilong yumi

ol pipel.

Tasol olgeta samting mas kam wantaim gutpela menesmen bai wok i kamap gut, bisnis ken kirap gut na kantri ken lukim developmen na bisnis i kirap long olgeta kona bilong kantri. Em strong bilong kantri.

Tasol noken tromoi mani nating nating bikos em taim bilong nesenel ileksen na gavman laik kisim wanbel na sapot bilong pipel long winim bek 2012 nesenel ileksen.

Noken yusim mani bilong kantri olsem kempen mani bilong nesenel ileksen. 8-pela mun tasol long gavman na O'Neil na Namah gavman i tromoi planti mani go aut pinis long ol distrik na provins. Em abrusim pinis mak bilong Somare gavman na ol gavman bipo long pasin bilong skelim mani long wok na sevis insait long kantri.

Nau em ol pipel bilong ples i lukim mani nau. Ating em mas pasin na stail bilong ol yangpela lida ya.

WANTOK KOMENTRI

Ileksen 2012 bai wanem taim stret?

ILEKSEN 2012 bai kamap wanem taim stret? Long Mei 18 o bihain long 6-pela mun?

Planti manmeri i paul yet long wanem taim ileksen bai kamap bikos i gat tupela det.

Ilektoral Komisn na Praim Minista, Peter O'Neill, husat i het bilong gavman, i wanbel long larim dispela ileksen kamap long Mei 18.

Dispela em i det we Gavana Jeneral bai sainim ol rit pepa na Ilektoral Komisn bai givim aut ol rit pepa long statim ileksen taim.

Long narapela sait, palamen i bin muvim wanpela mosen pinis long larim ileksen i suruk i go bihain long 6-pela mun.

Palamen i bin wanbel long surukim ileksen bikos Minista husat i halivim Praim Minista, Wake Goi, i bin edvaisim palamen o toksave long ol memba na long kantri wantaim olsem, Ilektoral Komisn i no redi gut tru long larim dispela ileksen i ron gut.

Olsem na dispela mosen em i no dai. Em i stap laip yet na em bai pinis bihain long 12-pela mun o 1 ya.

Taim dispela mosen i no dai yet na sapos ileksen i kamap long Mei 18, orait palamen bai asua long brukim loa.

Olsem na palamen mas muvim narapela mosen gen long rausim dispela namba wan mosen long surukim ileksen na larim ileksen i stat long dispela mun.

Palamen bai sindaun gen long Mei 15, 3-pela de tasol bipo long ol rit pepa i kamaut.

Dispela em i wanpela pasin we em i no save kamap bipo.

Taim kantri i save go insait long ileksen, olgeta memba i save go aut na larim keteka gavman i stap.

Tasol dispela gavman i mekim kain kain samting we bipo i no save kamap long hia.

Palamen Spika, Jeffery Nape, i tok Palamen em i suprim o antap moa tumas.

Olsem na wanem kain disisen palamen i mekim em i antap moa long ol arapela disisen tu.

Nape em i sanap long dispela toktok na strongim sait olsem ol bai surukim ileksen.

Tasol O'Neill i sapotim Ilektoral Komisina, Andrew Trawn, long larim dispela ileksen i go het long mun Mei.

Nau gavman, Ilektoral Komisn na Palamen i mas bung wantaim gen na tokim pipel wanem taim stret ileksen bai kamap.

Noken paulim manmeri bikos dispela kantri em i no bilong yupela tasol. Em bilong yumi olgeta.

WANTOK

Published Weekly, Thursday, for
Word Publishing Company, Ltd.
P.O. Box 1982, Boroko, NCD
Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia
52 niuspepa


Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Neville Choi

Published at
Able Building Complex,
Sec 58 Lot 02,
Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



Kar bom i sekim Kabul
Ol sekyuriti fos lain bilong Afganistan sekyuriti fos memi glasim hap we wangepela kar i bin kisim birua long bom long Kabul, Afghanistan long aste, Me 2, 2012.
Poto: Reuters: Omar Sobhani



Jayson Brunson i wokim disain long Fasen wik bilong Australian
Ol fasen modol i soim ol wok we fasen disaina bilong Australia, Jayson Brunson i mekim . Dispela em long namba tu de bilong Australia Fasen wik ol i holim lonmg Sidni long Tunde, Me 1, 2012. *Poto: AAP: Tracey Nearmy*



Ol Pilaia i pre long selebret win bilong ol
Ol pilaia bilong Saudi Al-Hilal's i pre long selebretim skoring gol agensim Piroozi Athletic tim bilong kantri Iran long AFC Sempion Lig grup pilai gem long Azadi Stedim long Tehran, Iran, long Tunde, Me 1, 2012. *Poto: AFP: Atta Kenare*



Marine Le Pen i tromoi han long stes long Peris
Updated May 02, 2012 07:11:10
Fa r Nesenel Fran politikel pati lida long Frans, Marine Le Pen i tromoim han long stes long fran bilong Opera taim em i givim ol ileksen toktok bilong em, bihainim anuel Me De reli long Peria long Me 1. Stetyu bilong Jeanne d'Arc (Joan of Arc) i stap long bikpela posta i gat raiting long en i go olsem: "Yes, France". *Poto: Reuters: Benoit Tessier*



Occupy muvmen long Me De protes
Ol memba bilong Occupy Muvmen i bin demonstret o wokim mas na i bungim ol polis long reli ol bin wokim long olgeta hap bilong kantri. Dispela protes hia em ol bin karimaut long Oklen, Kalifonia long dispela wik Mande, Mande 1, 2012. *Poto: Reuters: Jana Asenbrennerova*



Suu Kyi i sainim palamen rejista
Pro demokresi lida bilong kantri Burma, Aung San Suu Kyi, i sainim rejista taim em i go kamap long lowa haus bilong Palamen aste, Me 2, 2012. *Poto: Reuters: Soe Zeya Tun*



Program bilong Wanwan De

De - Mande - Fraide

6am - 10am - Sankamap show - Host: Kas.T
6:00am - Major Nius Bulletin
6:15am - Komuniti Notis Bod
6:25am - Taim Bifo - wangepa singsing b'long bifo.

Tasol
9:30am - Final aua cruz
10am - 3pm - Morin Trek na Belo Pack
10:00am - Major Nius Bulletin - YUMIFM Nius Senta

2:00pm - Major Nius Bulletin - YUMIFM Nius
2:05pm - YU TOK - komiuniti awenes program
2:45pm - YUMI PANIM WOK Segment

6:10pm - 7:00pm Mon kamap sho
6:45pm - Komuniti Notis Bod
7:00pm - 9:00pm - COCA COLA GARAMUT

Sarere belo cruz - Host: Tuluvan Vitz
1pm - 2pm - Sarere Belo Taim Dedikesen
2:00pm - NIUS - YUMIFM Nius Senta

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TUNDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TRINDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FONDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FRAIDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

SARERE - Nait
7PM Stesen op - Ol Nius Hetlain/Program Priviu
7.05PM Musik na Chit Chat

SANDE - Nait
7PM Stesen op - Ol Nius Hetlain/Program Priviu
7.05PM Musik na Chit Chat

Raun wantaim Wantok kru ...

Wan Spin long Mosbi

POT MOSBI siti nem save stap long het bilong olgeta lain, stat long pikinini i go long bik manmeri, long ples i go long taun.

Daien Polomon, em wangepa yangpela meri Manus i bikipela long Mosbi, tasol em go bek long ples long Manus long mekim skul bilong em.

Daien go raun long Lae tripela wik go pinis. Taim em laik go bek

long Manus, em ringim mama bilong em olsem em laik wan spin long Mosbi wangepa wik na bihain em go bek long Manus.

Mama bilong em i tok orait na em kam i daun long Mosbi. Daien i lukim olsem wangepa wik bilong em long Mosbi olsem i sot tumas.

Daien i no westim taim, em go raun long ol olupela ples bilong em taim em i liklik. Na tu em go

raun lukim ol liklik susa na brata bilong em na ol kasen bilong em long dispela wangepa wik bilong em long Mosbi siti.

Daien i tok planti senis i kamap long Mosbi. Planti ol haus i wok long kamap na planti ol kampani tu i wok long go bikipela, planti kar long rot. Planti manmeri long olgeta hap long Papua Niugini i kam stap long Mosbi. Tasol wangepa samting tasol i no senis long ai bilong em, em ol pik poket

mangi long ol bas stop.

Daien Polomon i lusim Mosbi na go bek long Sunam Ailan long dispela wik Fonde na em i no save wanem taim gen em bai kam lukim Mosbi gen.

Long piksa Daien Polomon i go bungim liklik susa bilong em Dearth Polomon na kasen bilong Rexford Tony Bernard long Renbo long Gerehu.

Poto Stori Nicky Bernard.



93FM YUMIFM National Weekly Hit Parade. Produced & Host by: Kasty. Statistics: Talaigu Sophie & Poroman Crew. Week Ending: Saturday - 28th April 2012. Table with columns: Week Before, Last Week, This Week, Charting Song, Artist.

EMTV Television Guide

FONDE 3 Me, 2012
5.00 AM G JOYCE MEYER. TODAY
5.30 AM G TODAY
8.30 AM BROADCAST
12.00 AM EMTV MIDDAY NEWS
12.30 PM AUSTRALIAN NETWORK
3.00 PM KIDS KONA
3.00 PM HI-5
3.30 PM PYRAMID
4.00 PM THE SHAK
4.30 PM KITCHEN WHIZ
4.57 PM EMTV TOKSAVE
5.00 PM HOT SOURCE
5.30 PM G MILLIONAIRE
6.00 PM G NATIONAL
7.00 PM G EMTV NEWS
7.00 PM G RESOURCE PNG
8.00 PM G SOCCER EXTRA
8.08 PM G RAIT MUSIK
9.00 PM G HOT SPORT
9.27 PM EM TV TOKSAVE

ELITE MUSIC ZONE NATIONAL EMTV NEWS REPLAY
11.30 PM - Australia Network -
FRAIDE 4 Me, 2012
5.00 AM G JOYCE MEYER. TODAY
5.30 AM G TODAY
9.00 PM BROADCASTS
12.00 PM EMTV MIDDAY NEWS
1.00 PM AUSTRALIAN NETWORK
2.00 PM G ONE DAY - (SCG SYDNEY)
5.55 PM CRICKET "Live"
6.00 PM G NATIONAL
6.30 PM G EMTV NEWS
6.30 PM G ONE DAY CRICKET - (SCG SYDNEY)
10.00 PM G IN MORESBY
10.30 PM G TONIGHT
10.30 PM G GUINNESS BOOK OF RECORD
11.00 PM G NATIONAL EMTV

NEWS REPLAY - Australia Network -
SARERE 5 Me, 2012
6.59 AM STATION OPEN
7.00 PM ULTIMATE GUINNESS WORLD RECORDS
8.00 AM G NAMASTE YOGA: Innovative series combining stunning photography and original music with authentic Hatha yoga practice shot in HD in exquisite settings, each episode teachers a unique flow sequence that will tone your body, calm your mind and inspire you to begin or continue your yoga practice.
8.30 AM AUSTRALIAN NETWORK LOVE PATROL
5.00 PM THE PACIFIC WAY
5.30 PM NATIONAL
6:00 PM EMTVNEWS
6.30 PM AUSTRALIA'S FUNNIEST HOME VIDEO SHOW.
7:30 PM LEGEND OF

THE SEEKER: A CAPTIVATING ACTION-ADVENTURE TV SERIES - In a mystical land, Richard Cypher discovers his true destiny as he, a mysterious young woman, a wise old wizard and a magical sword take on the evil DarkhanRahl.
8.30 PM DESPERATE HOUSE WIVES: SOCCER REPLAY
11:30 PM NATIONAL EMTVNEWS REPLAY
12:00 PM - Australia Network -
SANDE 6 Me, 2012
6.29 AM STATION OPEN
6.30 AM G IT IS WRITTEN
It Is Written is an international, Christian television ministry dedicated to sharing insights from God's word with people around the

world.
7.00 AM G HILLSONG
Join Pastor Brian Houston every Sunday morning as he teaches to changes mindsets and empower people to lead and impact every sphere of life.
7:30 AM G CHIT CHAT with Sir Paulias Matane Tune in every Sunday Morning and be inspired by Sir Paulias as he delivers inspirational stories, including guest interviews.
8:00 AM G NAMASTE YOGA:
8:30 AM G BLISSFUL BLOSSOM
8:15 AM G AUSTRALIAN NETWORK RESOURCE PNG (REPEAT)
10:00 AM G AUSTRALIAN NETWORK
11:00 AM G AUSTRALIAN NETWORK
1.00PM ONE DAY CRICKET -

TORO



BIABIA



KANAGE



TOKWIN

Blek aut paulim planti lain

BLEK aut long sampela hap long Mosbi long Tunde nait i go inap moning, sampela manmeri long siti gat wok long bikipela moning long Trinde na taim ol kirap long bet, ol ting olsem lait kam bek pinis. Planti nogat was na go wok long wanem ples bilong waswas i tudak, sampela ol painim hat long ainim klos na putim wanem klos i gutpela long ai bilong ol. Wapela papa tu i paul long soks bilong em na kisim wait skul soks bilong pikinini bilong em, na karim wantaim su bilong em go long kar, taim em

laik putim em painim aut olsem soks bilong pikinini bilong skul. Em putim su nating inap long avinun, em tu i no ring long haus long toksave, em poret long meri bai paia long em.

Kastom em bikipela samting

SAMPELA long ol Abrujuinis bilong Australia kam antap long PNG long mekim sampela kain kastom wok bilong ol. Dispela kastom em bilong ol tasol, ol wait manmeri bilong Australia ino save long dispela kastom bilong ol, sampela save pas klostu long ol save. Long bikipela de bilong Australia na New Zealand long makim ol pait man bilong kam pait long PNG long wol woa 2 na dai long hia, sampela brata, anti na akol

bilong wapela Abujinis husat i pait long woa na dai long Kokoda trek bin kam antap long mekim wapela wok kastom na kisim tewel bilong em go bik long Australia. Planti bilong ol PNG manmeri husat na lukim dispela kastom, ai wara bilong pundaun, long wanem em sore stret, dispela dai man i stap long PNG 70-krismas olgeta. Ol Abujinis tok tenkyu long ol Koiari long lukautim pikinini na Akol bilong ol inap ol kam kisim tewel bilong em go bek long as ples bilong em bihain long 70 krismas. Kastom bilong ol tu i laik wankain ol bilong sampela hap long Papua Niugini, dispela kain bilong singautim tewel na karim go i gat long yumi tu ya laka.

H	A	N	J	H	A	T	R	E	T	Y	U	I	A	W	E	L
A	I	U	Y	N	W	A	S	K	E	T	Y	U	I	O	P	
B	D	B	W	E	N	V	C	B	M	E	W	Q	N	C	A	U
L	E	I	Y	A	Z	R	F	S	X	B	V	I	B	G	O	I
U	E	L	G	C	V	B	N	M	K	L	W	T	N	U	I	A
T	W	N	S	R	G	D	H	X	C	G	U	I	W	U	I	G
S	A	V	B	N	A	T	Y	U	N	L	P	M	I	O	S	N
S	D	E	T	C	U	S	S	O	B	G	W	M	R	I	O	O
U	S	D	R	R	T	C	L	G	N	W	A	A	C	I	I	L
S	P	O	K	E	E	I	N	O	A	A	I	U	B	N	M	I
U	T	S	W	E	B	O	L	T	Y	U	I	S	O	P	A	B
L	E	P	K	T	L	I	S	E	M	A	U	S	G	R	A	S
T	R	E	O	I	B	W	C	A	B	N	M	L	P	O	I	A
S	O	R	B	A	N	T	G	E	Y	I	P	L	K	M	N	R
E	P	P	P	U	R	N	B	A	N	I	S	B	U	N	G	G
P	O	A	A	T	I	U	I	O	K	L	J	H	G	F	E	D
R	K	Y	C	P	T	E	H	G	N	O	L	I	B	U	R	K

Painim ol dispela toktok bilong bodi:

HAN	ROP BILONG BLUT	BLUT	SKIN
BUN	KRU BILONG HET	SUSU	BROS
YAU	SKRU	BEL	AI
GRAS BILONG AI	KAPA BILONG PINGA	PES	PINGA
PORET	SANGAN A	GRAS	HAT
LEWA	WASKET	MAUS	NEK
NUS	ROT BILONG WIN	BANIS BUN	MAUSGRAS

4	7	1	5			8		6
5	8		2	7				4
9			6					7
	5		9			2		3
1								9
8		3				2		7
7						5		8
2				6	9			4 5
3		5				8	1	9 2

4	7	1	5	9	3	8	2	6
5	8	6	2	7	1	9	3	4
9	3	2	6	8	4	5	1	7
6	5	4	9	1	7	2	8	3
1	2	7	8	3	6	4	5	9
8	9	3	4	5	2	6	7	1
7	4	9	1	2	5	3	6	8
2	1	8	3	6	9	7	4	5
3	6	5	7	4	8	1	9	2

Ansa bilong las wik Sudoku

Ansa bilong las wik Pasol

K	L	A	S			K	T	E	B	O	L	H
	L			P	L	A	I	N	I	M		A
P	P	E	N	S	I	L	U				U	S
E	A		V	K		N				S	K	I
N		S		A	S		I			S	L	N
				A	K	M			L	G	I	G
P	L	A	K	M	A	S	U		I	N	N	P
								L	P	I	I	E
H	A	R	I	M	T	O	K		B	K	S	M
									O	O	I	B
		N								I	P	N
W	I	N	I	M	S	K	U	L			K	I
									M	O	T	K
F	A	U	N	T	E	N	P	E	N	I	T	A
									K		M	O
									S		U	T
B	L	A	K	B	O	T	P	L	A	K	S	B

EMTV Television Guide

TUNDE 8 Me, 2012			
5:00 PM	PACIFIC WAY	3:00 PM	NETWORK
6:00 PM	NATIONAL EMTV NEWS	3:00 PM	KIDS KONA
6:30 PM	ONE DAY CRICKET -	3:30PM	HI-5
		4:00 PM	PYRAMID
9:00 PM	LOVE PATROL	4:30 PM	THE SHAK
9:30 PM	PGR MOVIE:	5:00 PM	KITCHEN WHIZ
		5:30 PM	HOT SOURCE
11:00 PM	CHIT CHAT(Repeat)	5:30 PM	MILLIONAIRE
11:30 PM	HILLSONG(Repeat)	6:00 PM	HOT SEAT.
11:35 PM	NATIONAL EMTV NEWS REPLAY	6:00 PM	NATIONAL EMTV NEWS
00:35 AM	- Australia Network -	7:00 PM	RESCUE SPECIAL OPS
MANDE 7 Me, 2012			
5:00 AM	JOYCE MEYER.	8:00 PM	TOK PIKSA Looking back at News and stories makings headlines in the country
5:30 AM	TODAY	8:30 PM	G SPORTS SCENE - Starts for the Year 2012.
9:00 AM	2012 - CLASSROOM BROADCAST -Begins for the Year 2012	9:00PM	G DAYS THAT SHOOK THE WORLD:
12:00 AM	EMTV MIDDAY NEWS	10:00 PM	G NATIONAL EMTV NEWS REPLAY
12:30 PM	AUSTRALIAN	11:30 PM	- Australia Network-
5:00 AM	JOYCE MEYER.	5:00 AM	G JOYCE MEYER.
5:30 AM	TODAY	5:30 AM	G TODAY
9:00 AM	CLASSROOM BROADCASTS	9:00 AM	G CLASSROOM BROADCASTS
12:00 PM	EMTV MIDDAY NEWS AUSTRALIA NETWORK	12:00 PM	EMTV MIDDAY NEWS AUSTRALIA NETWORK
2:00 PM	G ONE DAY -	2:00 PM	G ONE DAY -
4:45 PM	EMTV TOKSAVE	4:45 PM	G EMTV TOKSAVE
5:55 PM	CRIME STOPPERS	5:55 PM	G CRIME STOPPERS
8:00 PM	G DAYS THAT SHOOK THE WORLD:..	8:00 PM	G DAYS THAT SHOOK THE WORLD:..
9:00 PM	G TBA	9:00 PM	G TBA
10:00 PM	G NATIONAL EMTV NEWS REPLAY	10:00 PM	G NATIONAL EMTV NEWS REPLAY
11:00 PM	Australia Network-	11:00 PM	Australia Network-
6:00 PM	G NATIONAL EMTV NEWS	6:00 PM	G NATIONAL EMTV NEWS
6:30 PM	G ONE DAY CRICKET -	6:30 PM	G ONE DAY CRICKET -
10:00 PM	G THE WORLD AROUND US	10:00 PM	G THE WORLD AROUND US
11:00 PM	NATIONAL EMTV NEWS REPLAY	11:00 PM	NATIONAL EMTV NEWS REPLAY
11:30 AM	- Australia Network -	11:30 AM	- Australia Network -

Program bai senis long taim bilong en..



GLASIM RAMU NICO PROJEK



Wanpela Ramu Usao, Wanpela Komyuniti

Kakao kamapim gutpela laip insait long Putaria famili

PUTARIA Manawa bilong ples Anieke insait long Wod 17 long Usino LLG, Madang provins na em wanpela hatwok man stret long planim taro.

Em i gat tupela meri na 10-pela pikinini. Taro gaden bilong em save lukautim gut famili bilong em. Em save salim tasol i no gat tingting long wokim bikipela mani.

Long yia 2007 na 2008, Ramu NiCo, dispela maining kampani bilong nikel na kobalt long Madang i bin kamapim wanpela trening long ol ples long kakao na givim skul long gutpela bilong kakao. Displa taim, Ramu NiCo i bin stat long wok konstraksen bilong main.

Trening woksop ya i bin wanpela wok bung namel long Ramu NiCo, World Vision na DPI long Madang provins. PNG Intensive Funds na AusAID Program putim mani long kamapim dispela trening woksop

Putaria, strongpela man stret long pasin kastom na lida olsem bipo kansola i bin kamap long dispela woksop na kisim bikipela save stret. Wantaim halivim bilong Ramu NiCo agrikalsa extension ofisa Samuel Masawa, Putaria i bin wanbel taim Samuel i tok strong olsem Putaria i mas stat planim kakao bikos bai i gat bikipela halivim i ken kamap long laip bilong em.

Putaria i les tasol taim Samuel i toktok strong, trangu man ya i stat long planim kakaolong yia 2008 bihain long dispela trening. Wantaim halivim bilong tupela meri na 10-pela pikinini bilong em, Putaria i mekim gutpela yus long save em i kisim na strong bilong planim taro na stat planim tupela hekta kakao blok.

Dispela tupela hekta ya tude i givim gutpela kakao wet bin we long wanwan taim bilong pikim, i save bringim kamap mak long 10-pela wet bin. Em i gat famili fementri bilong em yet we save givim 5-pela drai bin kakao beg. Long mani em i kisim, Putaria i baim wanpela bikpla pawa

jenereta prais bilong en K3,000, wanpela welding masin, i gat 3-pela semipement haus na ol liklik pikinini bilong em i save go long skul bikos em i gat inap mani long peim skul fi bilong ol.

"Bihain long 5-pela yia, mi laik baim wanpela kar, mi mas gat permenet haus kapa we wara na toilet i mas stap insait, na ol pikinini bilong mi mas go long bikipela skul," Putaria i tok.

Em i bin givim ol dispela gutpela stori bilong em taim ol agrikalsa lain bilong Ramu NiCo i bin go wok painim aut na luksave long ol kakao fama olsem Putari husat i bin kisim save na i stat long wok kakao. Ol Ramu NiCo ofisa i laik long painim aut wanem ol narapla helijim Ramu NiCo i ken givim long agrikalsa wok. Ol Ramu NiCo ofisa em Supervisor Allan Wawah, trainer Aldam Bande, fil ekstensen opisa Samuel Masawa and jenda ofisa Agatha Yombai.

"Nau mi luksave olsem kakao tasol bai senesim laip bilong mi na familo bilong mi i bai stap gut," Putaria i tok.

Samuel husat i save wok bung wantaim ol displa fama i tok taim em i lukim Putaria i wok hat stret long taro gaden olgeta taim, displa wok hat tu em i ken putim long planim kakao na kamapim gutpla sindaun.

"Mi bin tok hat stret long Putaria bai planim kakao na nau em i kamap wanpela gutpela model-fama na mi amamas," Samuel i tok.

Putaria i tok tenkyu long Ramu NiCo long givimkain save long ol lokal fama long planim kakao we i ken kamapim gutpela sindaun. Em i salensim ol narapla long stat planim kakao nau.

Namba tu meri bilong Putaria, Lidia tu i no westim taim long gaden bilong man bilong em na i bin planim pinis 1.5 hekta kakao blok bilong em yet.

Lidia i tok gaden bilong em i save givim wanpela or tupla wet bin beg olgeta taim na displa i save givim em gutpla mani. Em i tok ol liklik kakao i gro yet.

Kandere bikong Putaria, Jeffery Manawa tu i wanpela gutpla man stret long badim ol kakao na nau em i ken kamapim moa long 200-pela cocoa pod long wanwan diwai cocoa insait long wanpla sise. Wanpela taim, wanpela kakao diwai bilong em i bin givim 220 kakao pod o frut long wanpela as diwai

Jeffery i save katim daun ol olupela cocoa na kamapim gutpela diwaii wantaim ol narapela kru bilong kakao ol i kolim bading. Nau em i kamapim planti kakao bin insait long 1.5 hekta kakao gaden bilong em.

Putaria nau i gat 2 hekta kakao, meri bilong em Lidia i gat 1.5 hekta na kandre-man bilong em Jerry i gat 1.5 hekta. Dispela i kamapim tok orait long ol i kisim 8 by 8 kakao fementri famili sais we ol yet i ken draim wet bin na salim drai bin long Madang.

Save bilong Jerry long badim cocoa diwai i ken mekim dispela familo kakao bisnis i gro bikipela.

"Bipo mi nogat mani tasol kakao tasol i mekim na nau mi save kamapim 10-pela wet bin kakao beg. Nau mi wokim wanpela tred stoa na plen long wokim wanpela nupela semi-permenen haus-kapa." Jerry i tok.

Ramu NiCo ofisa husat i stap wantaim ol long displa dei i tok Ramu NiCo bai kamapim sampela trening olsem IYB (Improve Your Business), Simpel Buk-kpin na ol narapela wei bai givim gutpela tingting long lukautim gut mani long kamapim moa wok bisnis.

Samuel Masawa i salensim ol arapla papa graun long Usino na hap rot bilong Ramu-Madang Haiwe long lusim ol narapla kastom pasin na wok hat long planim kakao we i ken bringim gutpela sindaun olsem Putaria na famili bilong en.

Ramu NiCo i save amamas long kamapim kain trening long Ramu-Madang Haiwe we i stap aninit long paip lain eria bilong Ramu NiCo we ol i kolim Inlen Paiplain eria.



Samuel na Jeffery sanap long cocoa diwai Jeffery i bin badim we nau karim moa long 240 kakao frut



Lidia (namel) i sanap long cocoa blok bilong em wantaim wok man na meri bilong Ramu NiCo, Agatha na Samuel



Putaria i tok na meri bilong em Lidia i lukluk

RAMU NICO

Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikipela wok konstraksen namba tu hap bilong 2008. I kam inap nau, olgeta bikipela konstraksen wok long Krumbukari main sait na Basamuk rifaineri i pinis, na projek i stap redi long kisim komisanim o tok orait long mekim wok. Long wol tu, dispela kain hariap sanapim em i no kamap bipo long wanpela kain bikipela projek olsem, na i daunim olgeta

salens bilong graun na masin bilong mekim wok.

Ol dispela namba i soim kliia mak bilong wok mipela i pinisim:

- Moa long 4.5 miliar kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil biding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paiplain)

'Wanpela Ramu NiCo, Wanpela Komyuniti'

MCC

OK Tedi papagraun kisim K10 milian

winmani

OL PAPAGRAUN bilong ol viles i stap aninit long Spesol Maining Lis (SML) na Maining Lis Pepos (LMP) bilong Ok Tedi Maining long Westen Provins, i kisim K10 milian las wik Fraide.

Dispela mani em i winmani bilong yia 2010. Em i kam long sea ol i bin baim long Mineral Resources Star Mountains (MRSM), wanpela papagraun kampani ol i bin kamapim long yia 2001.

Gavman bilong PNG, aninit long was bilong Mineral Resources Development Company (MRDC), i save lukautim dispela mani.

Ol papagraun i bin bung long Finalbin Viles, we MRSM Grup Menesing Dairekta, Paul Povey, mausman bilong MRDC, Imbi Tagune, na ol wokman bilong Mineral Resources

Authority (MRA), i bing givimaut dispela winmani long ol papagraun.

Siaman bilong MRSM, Bill Menim, i tok tenkyu long MRDC long lukautim gut mani bilong ol, we gutpela wok bilong MRDC long lukautim mani i kamap ples klia taim ol papagraun sea hola i kisim winmani olgeta yia i kam inap yia 2005.

Mista Tagune i makim maus bilong MRDC na toktok moa long gutpela bilong pasin sastenebiliti o gutpela lukautim bilong ol OK Tedi main komyuniti.

Em i tokim ol asples olsem taim maining projek i pas, ol i ken kisim yet ol arapela sevis olsem pawa na wara saplai tasol, na mani ol i save i kisim long maining bai pinis.

Olsem na ol i mas mekim strongpela disisen long sevim

mani na mekim bisnis aninit long was bilong gutpela lida long larim gutpela sindaun bilong komyuniti.

"Sastenebiliti em i namba wan samting tru. Em bilong bihain bilong yupela na pikinini bilong yupela. Olsem na mekim gutpela disisen bilong sastenebiliti taim yupela i ting ting long bihain bilong yupela," em i tok.

MRSM Siaman, Bill Menim, i salensim ol manmeri na lida bilong wan-wan SML viles long wokbung wantaim ol ek-sekyutiv bilong MRSM long mekim gutpela disisen long larim sea bilong ol i mekim moa winmani.

Las yia (2011), dispela sem viles i bin kisim K10 milian winmani, we ol i bin brukim namel long ol arapela viles tu na wan-wan viles i bin kisim K1 milian.



KISIM MANI...Siaman bilong MRSM, Bill Menim, i givim K1 milian sea bilong K10 milian winmani i go long mausman bilong Finalbin Viles, Aniok Kirokim. POTO: OTML Media

Liklik manmeri ken opim akaunt wantaim PNG Microfinance Ltd

Aja Alex Potabe i raitim

OL LIKLIK manmeri husat i nogat benk akaunt nau i ken opim nupela akaunt wantaim PNG Microfinance Ltd (PML) long kisim planti nupela sevis.

Ol dispela sevis em long sait bilong mani. Mani em i wanpela samting we yumi olgeta i save mekim hat wok na painim kain kain we o rot long kisim.

Olsem na sapos yu tu save painim ol dispela kain rot long kisim mani, PML em i wanpela ples we ol liklik manmeri i ken opim akaunt long kisim dinau mani long skul fi, mekim liklik bisnis, go long krismas malolo, o sevim mani nating, orait PNG Microfinance i nau redi long stretim yu wantaim ol dispela wari bilong yu long sait bilong mani.

Sif Eksekutiv Opisa (CEO) bilong PML, George Mathew, i tok planti ol liklik manmeri long PNG i nogat benk akaunt wantaim ol bikipela komisal benk olsem BSP, ANZ, o Westpac.

"Mipela i stap redi long halivim ol dispela kain manmeri long larim ol i gat akaunt

wataim PML. Wantaim halivim bilong akaunt, ol i ken kisim dinau mani long PML long halivim ol yet mekim liklik bisnis, kisim dinau mani long skul bilong pikinini bilong ol, o kisim mani long go holide long sampela gutpela ples yu yet i save diriman long go lukim," Mathew i tok. Em i mekim dispela tok tok taim PML i lonsim nupela koporet logo bilong en las wik Fonde long Crown Plaza Hotel, Mosbi.

Planti bilong yumi save ting olsem benk em wanpela samting bilong ol bisnis manmeri na wok manmeri husat i gat moa mani.

"Nogat, dispela em i nogat. Benk em bilong yumi olgeta. Tasol long PNG, ol manmeri i save ting benk em bilong ol mani manmeri tasol.

"Olsem na nau mipela i laik karim benk kam klostu long ol liklik manmeri na mipela i kamapim dispela kampani PML long yia 2004," Mathew i tok.

Het opis bilong PML em i stap long Koki, na nau ol i gat 7-pela nupela brens long Boroko, Alotau, Popondetta, Kimbe, Biala, Kiunga na Daru, wantaim narapela 3-

pela sevis senta long Tabubil, Balimo, Lake Murray, na Obo insait long Westen Provins.


Maketing Menesa, Peter Komon, i tok i no long taim tasol, ol bai opim 3-pela nupela brens long Hagen, Lae na Waigani.

Komon i tok PML i laik senisim laip bilong ol liklik manmeri long kantri bikos em i laik wokbung wantaim gavman long senisim o kirapim dispela kantri.

"Mani em i wanpela samting bilong senisim laip bilong manmeri na kantri wantaim. Dispela yia 2012 em i wanpela strongpela yia bilong PML long senisim bisnis na sevis bilong en long larim moa manmeri i kisim sevis mipela i wok long givimaut," Komon i tok.

Em i tok askim ol iklik manmeri na ol wok manmaeri tu husat i save kisim liklik mani long hariap tru kam opim nupela akaunt wantaim PML.

"Mipela i redi long halivim yu. Yu i ken opim akaunt wantaim K30 tasol, i no bikipela mani. Antap long dispela akaunt, yu i ken i ken kisim ol arapela sevis olsem dinau mani na kain kian sevis bilong mipela," Komon i tok.



NAMBA WAN BANANA BILONG HELA...Dispela banana em i no banana nating. Em i gat nem long Hela Provins. Long tok ples Tari, ol i save kolim 'Hai Hokolo.' Hai Hokolo em i namba wan banana bilong Hela bikos ol i save kukim wantaim pik taim ol

i save mekim bikipela pati o kukim bikipela kaikai. Hokolo em i switpela stret na bai yu nonap lus ting ting long teis bilong en. Memba bilong Tari-Pori, James Marape, i bin tok gavman i mas salim ol dispela kain fres gaden kaikai bilong PNG i go

long ovasis maket, na salim long arapela kantri. Dispela i ken sapatim ol liklik fama manmeri long ples long planim kaikai na mekim moa mani long senisim laip bilong ol.


Poto na Stori: Aja Alex Potabe



OL BOS YET... (L-R) CEO bilong PML, George Mathew, Siaman, James Carlton na Maketing Menesa, Peter Komon i amamas na smail taim ol i lonsim nupela koporet logo bilong PML long Crown Plaza Hotel. **Poto: Nicky Bernard**



AMAMAS: Ol pilaia bilong Chauka Futbol Klap i amamas wantaim trofi ol i winim insait long Kusunan Kap salens long Epril 22, dispela yia.



BIKMAN: Poto i soim Praitim Minista bilong Inglen, James Cameron husat i tokaut long Epril dispela yia olsem ol i redim olgeta samting bilong Olimpik Gems pinis na i wetim tasol long ol manmeri bilong arapela kantri long kamap na pilai long Julai dispela yia. *POTO: British Hai Komisn.*



BRUKIM: Kepten bilong Vipers, Steven Johns, i mekim save long difens bilong ol TNA Lions long raun tri gem bilong ol long Mosbi las wik Sande. *POTO: Nicky Bernard.*



SEMPION: Ol pilaia na sapota bilong Karanas tim bilong ol man i bung wantaim long amamasim win bilong ol long Star Maunten long mas 17 dispela yia.

TOKSAVE: Salim ol spots dro bilong yu kam long Feks; 325 2579, e-mel;amolen@wantok.com.pg o kam lusim long Wantok Niuspepa opis long Central Waigani, NCD.

Ol supa kar stret



NAMBAWAN kar resis bilong Australia em V8 Super Cars (Supa Kar) we i save kamap olgeta hap long kantri na arapela hap long wol tu.

Dispela ol kar i no luk olsem ol F1 kar, olsem yumi lukim las wik, tasol ol tu i gat bikpela spit na pawa insait long ol.

Dispela ol kar i luk olsem ol arapela kar tasol ol i mekim ol bilong resis tasol na i gat tupela kampani bilong mekim ol kar, i save kamapim ol kar bilong dispela resis.

Wanpela em Ford Falcon na narapela em Holden Commodore tasol long 2013 bai Nissan i kamap namba tri kampani long kamapim ol kar bilong dispela resis tu.

Ol i save yusim Ford na Holden bilong wanem planti manmeri long Australia i save laikim dispela kar na i save baim planti.

Ol i save mekim dispela ol kar bilong resis na enjin bilong ol i bikpela na strongpela moa long ol enjin bilong ol arapela kar.

V8 Supercars i save kamap aninit long was bilong Fédération Internationale de l'Automobile (FIA).

Ol resis bilong ol i save kamap olgeta hap long Australia na tu long Nu Silan, Abu Dhabi na Bahrain.

Histri bilong gem

Namba wan sisen tru bilong V8 Super Cars resis i kamap long 1997 tasol asting bilong dispela resis i kamap long 1993 taim ol Confederation of Australian Motor Sport i senisim loa bilong ol kar insait long Grup 3A wantaim nupela grup wantaim tripela klas bilong ol.

Klas wan em bilong ol kar Ford na Holden kar bilong Australia wantaim 5.0 lita V8 enjin, klas tu em bilong ol kar i gat 2.0 lita enjin aninit long ol loa bilong FIA na namba tri klas em bilong 1993 tasol.

Dispela i statim ol wok bilong kamapim na ronim V8 Super Cars resis na ol i save resis insait long tupela mak, moa long 2000 cc na aninit long 2000cc.

Ol i brukim dispela ol kar i go insait lng wanwan sempionsip tasol ol kar wantaim liklik pawa long ol enjin bilong ol i no bin inap long ol bikpela kar.

I no long taim ol 5.0 lita V8 kar tasol i stap strong na resis bilong ol tasol i go strong moa. Ol arapela i resis yet tasol i putim ol i go insait long wanwan sempionsip na tonamen bilong ol.

Super Cars i kamap bikpela na i pulim sapot bilong planti ol manmeri na sapota husat i save laik long kam lukim.

Namba bilong ol manmeri husat i save kamap long lukim wanwan resis i go bikpela na nau em i moa long 200,000 manmeri long wanwan resis.

Stail bilong gem


V8 Supers em i bikpela kar resis we i save resis aninit long loa we i tokaut tu long wanem kain ol kar ol i mas yusim insait long resis na tu wanem kain enjin na strong dispela ol kar i mas gat.

Astingting bilong ol em long kamapim wanpela kompetisen we i gat planti ol teknikal save na wok insait long en tasol long wankain taim, ol kos bilong ol samting i noken antap tumas.

Bodi bilong ol kar i save bihainim wanpela stail tasol bilong VE Commodore o FG Falcon kar tasol i gat ol ain insait long kar long helpim em i sanap strong na i noken bruk o silip krangki taim em i pudaun o kapsait.

Dispela ol ain bai helpim long tanim i go sanap gut taim em i kapsait.

Ol i gat ol samting i pas long bodi bilong kar we bai holim win taim em i ron na helpim em



RESIS KAR:
Wanpela V8 Supa Kar.

SPIT:
Wanpela kar i laik tanim kona insait long resis.



long go spit moa na tu mekim em i pas strong long graun na i no inap kalap na tanim taim em i spit tru.

Nem bilong dispela ol samting em "spoil." Hevi bilong wanwan kar i noken aninit long 1355kg (taim draiva i no stap insait).

Wanwan kar i mas gat enjin long fran bilong kar na tupela wilwil long baksait i mas draivim kar.

Ol i mas 5.0 lita V8 enjin we inap long kamapim moa long 450kW bilong pawa long taim bilong resis.

Dispela ol enjin i strong tru na i save mekim ol kar i ron spit tru.

Ol i gat ol arapela samting insait long kar olsem redio na ol arapela samting long helpim draiva i toktok na wokbung wantaim ol arapela wokman long tim bilong em.

Dispela ol samting i ken helpim em long lukautim em yet na kar tu taim em i draiv.

Gem long PNG

Olsem F1, em bai kos bikpela mani tru long kamapim na ronim wanpela kain spot olsem long PNG.

Ol i mas mekim ples bilong resis yet, na tu painim ol kar na enjin we i mas stap insait long dispela resis.

Sapos i nogat long PNG, ol i mas kisim i kam long ovasis na em bai kos bikpela mani tu long mekim dispela.

Kos bilong baim bensin bilong ol dispela kar, wilwil bilong en nab aim ol save manmeri husat bai stretim na lukautim ol dispela kar em i narapela samting tu we yu mas tingim.

Wanpela rot em i ken kamap em sapos i gat



INSAUT:
Insait bilong wanpela resis kar.

planti bikpela sponsa tru long helpim.

I mas i gat ol sapota bilong dispela gem bilong wanem ol sponsa i save laikim taim i gat planti sapota bai ol i sponsa.

Em bai no inap gutpela tu sapos resis i kamap na i nogat man i kamap long lukim. Tasol em i ken kamap yet.

Sampela gutpela samting we i ken kamap long dispela kain spot, em, em i ken skulim na trening planti moa manmeri long teknikal sait bilong lukaut na stretim ol kar na enjin.

Ol bai lainim tu long mekim ol gutpela rot na planti ol manmeri bai lainim long draiv gut moa taim ol i stap insait long kain spot olsem.

Dispela spot i ken pulim planti mani kam insait long kantri bilong wanem em i wanpela intanesenel gem na planti sponsa na man-

meri long wol tu bai lukluk long en.

Kantri ken i gat sampela luksave tu bilong wanem dispela gem i save kamap bikpela insait long TV we ol i save lukim long planti hap long wol tu.

Long taim bilong pilai tu i save gat ol arapela sho na pilai kamap lng sait we ol manmeri ken lukim na amamas long en tu taim ol i wetim gem long stat o pinis.

Tasol em bai no inap isi long kamapim dispela spot long PNG nau yet.

Yumi bai wet sampela moa yia bipo kain spot i kamap long hia.

Nau yet, yumi ken lukim ol i kamapim long Australia na arapela long wol na sapotim na mangalim tasol ol stail kar bilong ol insait long dispela ol resis.

SPOTS DRO RAUN 9

FRAIDE GEMS: ME 4, 2012

ANZ Stadium
Eels V^s Bulldogs

Dairy Farmers Stadium
Cowboys V^s Dragons

SARERE GEMS: ME 5, 2012

Mt Smart Stadium
Warriors V^s Broncos

Skilled Park
Titans V^s W/Tigers

Centrebet Stadium
Panthers V^s Storm

SANDE GEMS: ME 6, 2012

Brookvale Oval
Sea Eagles V^s Raiders

SF Stadium
Roosters V^s Knights

MANDE GEM: ME 7, 2012

Rabbitohs V^s Sharks

Buderus nogat sans long Orijin



BAGARAP: Buderus bai no inap pilai long Orijin wan.

SANS bilong Danny Buderus long go bek insait long Stet ov Orijin wantaim ol Nu Saut Wels Blues, i lus taim em i bagarapim gen lek bilong em las wik long gem bilong ol Knights agensim Panthers.

Dispela bagarap i kamap long masol long baksait long lek bilong em, klostu long fut. Ol wok painim aut i soim olsem Buderus bai no inap pilai tri o 4-pela wik olgeta, we bai lukim em i no inap stap insait long Orijin wan we bai kamap long Me 23.

Het bilong ol Blues selekta bai pen nau long painim narapela man long kisim ples bilong em long werim namba 9 jesi.

Ol Blues i gat hevi tu long ol arapela ki pilaia bilong ol husat ol tu i kisim bagarap na bai no inap pilai long namba wan gem dispela yia.

Namel long ol em Kurt Gidley (solda), husat bai no inap pilai gen dispela yia na Michael Jennings na Luke Lewis bilong Penrith.

Jarryd Hayne bilong Pararamatta na Josh Dugan bilong Canberra tu i no orait tumas.

Carney tok em i redi long Orijin

BIHAIN long em i stap insait long planti hevi bilong bikhet pasin bilong em, Todd Carney i tok tingting bilong em i klia na strong inap long em i ken pilai insait long Stet ov Orijin nau.

Em i tok gutpela fom bilong klap bilong em na nupela pasin em i wok long soim long soim na tingting long en i makim olsem em i nap long go insait long dis-

pela bikpela gem nau.

"Mi pilim olsem tingting bilong mi strong inap nau long go insait," Carney i tok.

Em i tok, sampela yia i go pinisi, em i pilai gut tasol em i no bin redi gut long pilai Stet ov Orijin tasol nau em i redi gut.

"Mi redi nau long apim han bilong ol long luksave na kisim mi long pilai, na

sapos mi go insait, bai mi givim olgeta save na strong bilong mi stret," em i tok.

Carney i tok olgeta man i wok long pait long kisim ol posisen nau na em bai no inap isi tu long winim ol Kwinslen tasol em i wanpela samting em i laik mekim na redi tasol long go insait sapos ol i kisim em.

"Ol i no wari nau long

wanem hap yu kam long en o wanem samting yu bin mekim, tingting bilong ol i pas tasol long winim Kwinslen na em i wanpela samting mi save laik mekim tru," Carney i tok.

Em i tok sais na hevi bilong bodi bilong em tu i go antap na fitness bilong em tu i go antap moa na em i pilim gutpela moa long pilai nau.



REDI: Carney laik winim ol Maroons.

Raun 8 Poins Leda

Pos	Tim	W	L	D	B	+/-	Pts
1.	Storm	8	0	0	0	143	16
2.	Broncos	7	1	0	0	88	14
3.	Sharks	6	2	0	0	37	12
4.	Dragons	5	3	0	0	2	10
5.	Cowboys	4	4	0	0	40	8
6.	Bulldogs	4	4	0	0	26	8
7.	Knights	4	4	0	0	19	8
8.	Sea Eagles	4	4	0	0	7	8
9.	Rabbitohs	4	4	0	0	-77	8
10.	Roosters	4	4	0	0	-66	8
11.	W/ Tigers	3	4	0	0	-15	6
12.	Warriors	3	4	0	0	-18	6
13.	Raiders	2	5	0	0	-27	6
14.	Panthers	2	5	0	0	-54	4
15.	Titans	2	5	0	0	-62	4
16.	Eels	1	6	0	0	-103	2

Sponsa bai senisim yunifom bilong ol Lewas

YUNIFOM bilong Papua Niugini nesanel kriket tim bilong ol meri, ol Lewas, long las tupela yia i bin blek wantaim yelo na wait mak na bikpela retpela "V" long fran bilong en, tasol dispela bai senis nau.

Nupela sponsa bilong ol Pacific MMI i pasim tok wantaim Cricket PNG las wik Fonde long Mosbi long kamap nupela mama sponsa bilong tim we bai lukim ol i lukautim olgeta trening na wokabaut bilong tim dispela yia.

Aninit long dispela sponsasip tu bai lukim ol i senisim dispela yunifom tasol CPNG i no tokaut yet long wanem kain stail bai ol i putim antap long dispela nupela yunifom.

Ol Lewas i wok long redi nau long go long ICC T20 Isia Pasifik Kwalifaia tonamen long Vanuatu insait long mun Me na dispela sapot bilong Pacific MMI bai helpim

ol wok redi bilong ol gut tru.

1. Ura Rigana (RHB), 2. Boni David (All Rounder), 3. Norma Ovasuru (LHB/RAOS), 4. Geua Boe (RHB), 5. Kila Amini (RAOS/LHB), 6. Lilly Ofae (LHB), 7. Varoi Morea (RHB/WK), 8. Tanya Ruma (All Rounder), 9. Kaia Arua (LAOS), 10. Mebo Pendel Ipi (RHB), 11. Rova Ravu (RHB), 12. Ravini Oa (RAMP/RHB), 13. Pauke Siaka (RAMP/RHB), 14. Eva Toua (RHB).

4-pela risev em, Konio Oala (RAMP/RHB), Helen Buruka (RHB/WK), Daera Agalu (LHB) na Mairi Tom (RAMP) na ofisol em, Peter Moide (kosa), Lakani Oala (teknikal edvaisa) na Margaret Moide (tim menesa).

Bipo ol i go long tonamen, ol Lewas bai stap insait long sampela trening kem na gem long Kwinslen, Australia bipo ol i go long Vanuatu.

Peter Moide, i bilip tim bilong em bai mekim gut.

"Ol pilaia i trening strong tru long dispela tonamen na mipela i gat bilip olsem mipela bai win.

"Tim i gat ol gutpela pilaia wantaim sampela yangpela na sampela husat i gat planti ekspirians, we mipela i ken kamapim gutpela wokbong bilong ol arapela gem long bihain taim tu," Moide i tok.

Sponsasip bilong Pacific MMI inap long K55, 000 na bai stap tupelo yia olgeta.

Dispela bai lukim nem bilong tim i kamap olsem Pacific MMI PNG Lewas.

"Dispela sponsasip em i wanpela bikpela samting insait long bisnis bilong mipela na i soim tu pasin na tingting bilong mipela long givim helpim i go bek long komyniti na ol pipol husat i sapotim mipela tu," Menesing dairekta bilong Pacific MMI, Wayne Dorgan i tok.

Chauka winim Kusanan Kap salens

CHAUKA Futbol Klap bilong Tabubil em i nupela sempion bilong Kusanan Kap salens long hap.

Ol i winim Sakups 2-1 long April 22 dispela yia long kisim dispela taitol.

Kusanan kap i save kamap olgeta yia long pri sisen long redim ol pilaia bipo long sisen tru i stat.

Sakups, we i wanpela tim bilong ol asples pilaia long ples Migalsim, autsait tasol long Tabubil, i kamapim strongela gem tasol i no bin inap long pasim ol Chauka long skoa tupela taim na win

wantaim wanpela poin.

Tupela tim wantaim i no skoa long namba wan hap bilong gem maski Sakups i bin gat planti sans long skoa.

Ol i brukim difens na mid fil bilong Chauka planti taim tasol i no bin inap long kisim ol poin.

Bihain long sampela strongpela toktok i kam long Chauka kosa, Pondros Posanau, ol i kam bek strong na i mekim save stret long namba tu hap bilong gem.

Namba wan gol bilong ol i

kam long Elizah Sigimat na namba tu gol i kam long Augustine Asina.

Wanpela gol bilong Sakups i kam long Peter Willie klostu long fultaim tasol ol i no bin inap Ing brukim difens bilong Chauka gen inap long gem i pinis.

Chauka kepten, James Timila i tok ol i no bin pilai gut long namba wan hap bilong gem tasol ol i kam bek strong long namba tu hap na em i amamas long strongpela tingting na pasin bilong wanwan pilai long hatwok bilong ol long dispela taim.



WELKAM: Nandex (lephan) i amamasim Kavina olsem nupela sekreteri jenerel bilong PNGKBA. POTO: PNGKBA.

Kavina laik strongim kikkoksing

NUPELA Sekreteri Jenerel bilong PNG Kickboxing Association (PNGKBA), Addie Kavina, i gat wanpela tingting tasol, dispela em long kamapim narapela "Stanley Nandex" bilong kantri.

Em i tok bihain long Nandex i pinis long pilai, nogat narapela wol sempion bilong kantri kamap.

Kavina i tok em i taim bilong kantri long kamapim narapela man olsem Nandex insait long kikkoksing na em bai wokhat long lukim dispela i kamap.

Kikkoksing i no bin kamap strong tumas na i no kisim biknem tumas olsem long bipo taim Nandex i pinis pilai na nau ol nupela eksekutiv olsem Kavina i laik senisim dispela.

Kavina i tok kikkoksing i kamapim planti samting bilong dispela kantri na wanpela long ol em Stanley Nandex husat i winim wol sempion na i givim bikpela luksave long PNG tu.

Narapela nupela eksekutiv PNGKBA i makim tu em Stanley Bole olsem tresera.

Makim bilong dispela tupela man i kamap long Shady Rest Hotel long Mosbi long April 21 bihain long Enuol Jenerel Miting (AGM) bilong ol, we i bin kamap long Mas 15 dispela yia.

Presiden bilong Kikkoksing Asosiesen bilong Pasifik rijen, Stanley Nandez, i tok ol i makim dispela ol man bihainim gutpela save na ekspirians bilong ol.

Em i tok dispela tupela man i givim sapot bilong ol tu long kikkoksing long taim em i stat long PNG long 1997 inap nau.

Nandex i tok em i gat bilip long dispela tupela man olsem ol bai nap long kamapim gutpela wok long lukautim na ronim gut kikkoksing long kantri.

"Mi bai bisi nau long nupela wok bilong mi long stap insait long muvi olsem na mi bai givim olgeta wok bilong

mi go long tupela long lukautim," Nandex i tok.

Em i tok astingting em long lukim kikkoksing i kirap naron gut gen long wankain taim muvi bilong em i redi na i kam aut.

Kavina i toke m bai wokhat long kirapim nem bilong kikkoksing gen na i singaut long olgeta paitman, ol famili, sponsa na gavman long givim moa sapot yet long helpim developmen bilong dispela spot insait long kantri.

Namba wan samting em i laik mekim nau em long kisim sampela ol paitman wantaim 8-pela ofisol i go long wol kikkoksing sempionsip we bai kamap long Varazdin long Kroesia (Croatia) long Julai 16 i go long 21 dispela yia.

Long Mekim dispela, ol i mas bungim K200, 000 na wantaim helpim bilong Bole na ol arapela memba bilong asosiesen, ol bai statim ol fanresing bilong dispela wok.



WINA: Supavaisa bilong Faiwol Investors Limited, husat ol i sponsaim tonamen, Yaulasi Kaukesa (lephan) i givim trofi long Timila wantaim presiden bilong TSA, James So-on (sanap long sait).

Isapea bai bungim Lahanis

Andrew Molen i raitim

I GAT sampela toktok i kamap olsem ol Lahanis i bin lusim hap bek bilong ol, Walter Hasu, i go pilai wantaim ol Isapea long raun tu bilong gem dispela yia.

Bihain, Hasu i go bek na pilai wantaim ol Lahanis gen.

Ol ripot i tok PNG NRL i tambuim Hasu long i noken pilai bipo long dispela hevi stret.

Menesmen bilong tupela tim i tok ol i bin pasim tok long dispela i kamap na

wanbel i stap namel long ol tasol PNG NRL bai lukluk long en sapos em i brukim sampela loa bilong gem.

Tasol long dispela Sande, Isapea na Lahanis bai no inap tingting long dispela hevi taim ol i go insait long pilai graun.

I nogat belhevi stap namel long displea tupela tim tasol em bai wanpela strongpela gem tru taim ol i bung gen.

Ol Isapea i wok Ing kisim strong long gem bilong ol dispela yia tasol em bai hat long daunim ol Lahanis long asples bilong ol tu.

Hevi bilong ol Isapea i stap long ol hap bek na faiv eit bilong ol, sapos ol i painim ol gutpela pilaia long was long dispela tupela posisen, bai ol i nap long givim het pen long ol arapela tim.

Long wankain taim, ol i gat gutpela spit long beklain bilong ol we i ken helpim ol long ronawe long ol bikpela sais pilaia bilong ol Lahanis.

Planti kik i go daun long sait bilong ol Lahanis i ken helpim ol Isapea sapos ol i ol i nogat inap bikpela fowet long brukim banis bilong ol.

NEW PREMIUM TUNA

DIANA

PROUDLY PNO MADE

© Diana Tuna Company Ltd, P.O. Box 220, Madang, Papua New Guinea

Isapea long Goroka



POTO: ANDREW MOLEN

**I gat stori wantaim
Lahanis** | *Stori long Pes 27.*

STRONGPELA RON: Isapea fulbek Niko Dom, em i wanpela strongpela pilaia bilong ol husat i ken helpim tim i kamapim gutpela gem agensim ol Lahanis dispela Sande.

CARPENTERS MOTORS

Introdusim



- ◆ SETIFAIK KILOMITAS
- ◆ 6 PELA MUN FRI SEVIS
- ◆ 6 PELA MUN ENSIN WARANTI
- ◆ SEFTI STIKA INSPEKSEN FRI LONG TAIM YU KISIM KAR (Inspeksen tasol)
- ◆ 10% DISCAUNT LONG OL PARTS NA LEIBA *Kondisens bai aplai
- ◆ OL SAVE TEKNISEN BAI SEVISIM KAR BILONG YU
- ◆ IGAT 20 POINT MEKENIKOL SEK

○ Nambawan Expiriens ○ Hamamas long Kisim ○ Tru long Yumi

9.9% FAINANS long ol **DIAMOND CLASS VEHICLES** *Kondisens bai aplai!

Tel: 311 2233 | Fax: 311 2440 | Email: info@carpentersmotors.com | Website: www.carpentersmotors.com